

12.

卷121
673
部六:66



文獻通考卷第二百五十七



鄱陽馬端臨貴與著

帝系考八

皇太子皇子 策命

黃帝二十五子其得姓者十四人 索隱曰舊解破四為三言得姓十三人耳

今按國語胥臣云黃帝之子二十五宗其得姓者十四人為十二姓姬西祁已勝歲任荀僖媯伊是也唯青陽與夷鼓同已姓又云青陽與蒼林為姬姓上則十四人為十二姓其文甚明唯姬姓再稱青陽蒼林蓋國語人誤所以致令前儒共疑其姬姓青陽當為元囂是帝魯祖本與黃帝同姬姓其國語上文青陽即元囂是少皞金天氏為已姓者耳既理在黃帝娶西陵之女生二子其不疑無煩破四為三也

後皆有天下其一曰元囂是為青陽青陽降居江水其

二曰昌意降居若水昌意娶蜀山氏女曰昌僕生高陽

高陽有聖德焉注見后

帝顓頊生子曰窮蟬索隱曰系本作窮係也正義曰帝舜之高祖也

帝嚳娶陳鋒氏女生放勳娶嫫訾氏女生摯帝嚳崩而

摯代立帝摯立不善崩不善謂微弱不著而弟放勳立是為帝

堯

堯子丹朱

舜子商均

夏禹子啓

按家天下自禹始啓而後凡襲位者非太子則王

之衆子弟也其父子繼世以有天下者已見帝號

歷年門茲不贅錄其支庶羣子名字之見於經傳

者錄之其所不載則無由考焉

啓子太康昆弟五人其一為仲康餘名字不見

帝泄二子 帝不降 帝扃

殷湯三子 太丁 外丙 仲壬

太甲二子 沃丁 太庚

太庚三子 小甲 雍己 太戊

太戊二子 外壬 河亶甲

祖乙二子 祖辛 祖丁

乾隆十二年校刊 帝系八

祖丁四子 陽甲 盤庚 小辛 小乙

武丁二子 祖庚 祖甲

祖甲二子 廩辛 庚丁

帝乙二子 微子啓 帝辛

禮記國君世子生告於君接以太牢宰掌具接讀為捷捷勝也謂

食其母使補三日卜士負之吉者宿齊朝服寢門外詩詩之言承也桑

負之射人以桑弧蓬矢六射天地四方詩之言承也桑

也天地四方男保受乃負之代士也宰醴負子賜之束

帛體當為禮以幣也卜士之妻大夫之妾使食子食

不使君妾適妾有敵義不相褻以勞辱事也士妻大夫

之妾謂時自有子正義曰王肅杜預並以爲接待夫人

以太牢鄭必讀為捷為補虛強氣者以婦人初產必困

病當三日之內未必能以禮相接應待負子之後今前

為之故知補虛強氣宜速也詩含神霧云詩者持也以

手維持則奉承之義謂以手承下而抱負之桑蓬皆素

質之物故知本太古也男子上手事天下事地旁禦四方

之難故云所有事然射禮唯四矢者謂天地非射事所

及唯禦四方故止四矢蓬凡接子擇日雖三日之內尊

是禦亂之草桑衆木之本庶人特豚士特豕大夫

焉冢子則太牢天子世子也大庶人特豚士特豕大夫

少牢國君世子太牢皆謂其非冢子則皆降一等謂冢

弟及衆妾之子生也天子諸侯異為孺子室於宮中別

少牢大夫特豕士庶人特豚耳掃

一室擇於諸母與可者必求其寬裕慈惠温良恭敬慎

而寡言者使為子師其次為慈母其次為保母皆居子

室此人君養子之禮也諸母衆妾也可者傅御之屬也

子師教示以立道者慈母知其嗜欲者保母安其居

乾隆十二年校刊

帝系八

處者士大以乳 他人無事不往 為兒精氣微 三月之末

擇日剪髮為髻男角女羈否則男左女右 髻所遺髮也

達日 是日也妻以子見於父貴人則為衣服由命士以

下皆漱澣 貴人丈夫以 男女夙興沐浴衣服具視朔食

於階西向妻抱子出自房當楣立東面 入門者入側室

於階西向妻抱子出自房當楣立東面 入門者入側室

子 其妻姓若言姜 夫對曰欽有帥父執子之右手咳而

名之 欽敬帥循也言教之敬使有 妻對日記有成遂左

還授師 記猶識也識大之言 子師遍教諸婦諸母名 後

諸母若名 妻遂適寢 復夫子之燕寢正義曰三月剪髮

成於尊 髮留其頂上縱橫 相交交通達故曰午達不如兩角相對

但縱橫各一在頂 世子生則君沐浴朝服夫人亦如之

皆立於阼階西向世婦抱子升自西階君名之乃降 子

自西階則人君見世子於路寢也見妾子就側室凡子

生皆就側室正義曰世婦抱子從外而入其內寢是君

之常居之處夫人在側室內也 適子庶子見於外寢撫其

手咳而名之禮帥初無辭 此適子謂世子弟也庶子妾

謂欽有帥 公庶子生就側室三月之末其母沐浴朝服

記有成也 見於君擯者以其子見君所有賜君名之眾子則使有

司名之 擯者傳母之富也人君尊雖妾不抱子有賜於

君有恩惠也 有司臣有事者也魯桓公名子問

乾隆十二年校刊 帝系八

於申也 曾子問曰君薨而世子生如之何孔子曰卿大

夫士從攝主北面於西階南變於朝夕哭位也攝主上卿代君聽政也 太祝

禘冕執燭帛升自西階盡等不升堂命無哭將有事宜清淨也禘

冕者按神則祭服也禘冕士服爵弁服其太祝禘冕則大夫也 祝聲三告曰某

之子生敢告聲噫歆警神也某夫人氏 升奠幣於殯東几上哭降几

殯東明 衆主人卿大夫士房中皆哭不踴衆主人君之親也房中婦

也繼體也 盡一哀反位遂朝奠反朝夕 小宰升舉幣所生也舉而

階也 三日衆主人卿大夫士如初位北面三日負子曰 太

宰太宗太祝皆禘冕少師奉子以纒祝先子從宰宗人

從入門哭者止宰宗人詔贊君事也 子升自西階殯前北面祝立

於殯東南隅祝聲三日某之子某從執事敢見子拜稽

顙哭奉子者拜哭也 祝宰宗人衆主人卿大夫士哭踴三者三

凡踴三跳為一節三節為一踴謂之成踴故云三者三 降東反位皆袒子踴房中

亦踴三者三襲纒杖成踴襲纒杖子禮也 奠出亦謂朝奠 太宰命祝史

以名徧告於五祝山川因負名之喪於禮畧 如已葬而世子生太

宰太宗從太祝而告於禰告生 三月乃名於禰以名徧告

及社稷宗廟山川也

右古者生世子之禮此經所言雖皆諸侯之禮然

戴記中所述喪禮祭禮多是諸侯之禮而未嘗不

可通之天子也以是推之亦可見矣經言接子冢子則太牢又

曰國君世子太牢註謂前冢子天子世子也

禮記凡三王教子必以禮樂樂所以修內也禮所以修

外也禮樂交錯於中發形於外是故其成也懌恭敬而

温文中心中也立太傅少傅以養之欲其知父子君臣

之道也養猶教也言養者積浸成長之太傅審父子君臣之道以示之

謂為之少傅奉世子以觀太傅之德行而審喻之為說其義

太傅在前少傅在後謂其在入則有保出則有師謂燕居出

入是以教喻而德成也以有四人維持之師也者教之以事而

喻諸德者也保也者慎其身以輔翼之而歸諸道者也

慎其身者謹安護之記曰虞夏商周有師保有疑丞記所云謂天子取以成

說設四輔及三公不必備唯其人語使能也語言也得能則用之

已無則君子曰德成而教尊教尊而官正官正而國治此

之謂也疏曰按四輔者尚書太傅云古者天子必有四隣前曰疑後曰丞左曰輔右曰弼天子有問無

以對責之疑可志而不志責之丞可正而不正責之輔可揚而不揚責之弼其爵視卿祿視次國之君

右古者教世子之禮歷代所建師傅本此其歷代

師傅宮僚建置本末已見職官門茲不更錄其文

王世子篇所言庠序釋奠養老乞言等事雖亦為

教世子設然其本則學校也已見學校門此亦不

詳著焉

漢文帝時賈誼上疏曰古之王者太子廼生固舉以

禮也正始使士負之有司齊肅冕見之南郊見於天也

過闕則下過廟則趨孝子之道也故自為赤子而教

固已行矣昔者成王幼在緦抱之中召公為太保周

公為太傅太公為太師保保其身體傅傅之德義師

道之教訓此三公之職也於是為置三少皆上大夫

也曰少保少傅少師是與太子宴者也宴謂安居故乃孩

提有識三公三少固明孝仁禮義以道習之逐去邪

人不使見惡行於是皆選天下之端士孝悌博聞有

道術者以衛翼之使與太子居處出入故太子廼生

而見正事聞正言行正道左右前後皆正人也及太

子長少知妃色則入於學學者所學之宮也宮謂學舍

禮曰帝入東學上親而貴仁則親疎有序而恩相及

矣帝入南學上齒而貴信則長幼有差而民不誣矣

帝入西學上賢而貴德則聖智在位而功不遺矣帝

入北學上貴而尊爵則貴賤有等而下不踰矣踰與

謂越制帝入太學承師問道退習而考於太傅太傅罰

其不則而匡其不及則惠智長而治道得矣此五學

者既成於上則百姓黎民化輯於下矣及太子既冠

成人免於保傅之嚴則有記過之史有過則記徹膳之宰

有闕進善之旌進善言者誹謗之木譏惡事者敢諫

則諫立於旌下書之於木敢諫

之鼓欲顯諫者則擊鼓瞽史誦詩工誦箴諫工樂也大夫進謀

士傳民語習與智長故切而不媿每被切磋故無太過可恥媿之事

化與心成故中道若性三代之禮春朝朝日秋暮夕

月所以明有敬也朝日夕月以朝暮皆迎其初出也春秋入學坐國

老執醬而親餽所以明有孝也行以鸞和鸞和車上鈴也步

中采齊樂詩名也字或作薺又作茨並才和反趣中肆夏亦樂詩名趣讀曰趨趨疾

步也凡此中者謂與其節相應也所以明有度也其於禽獸見其生

不忍見其死聞其聲不忍食其肉故遠庖厨所以長

恩且明有仁也夫三代所以久長者以其輔翼太子

有此具也

右賈誼疏所言教養世子之法與戴記相出入故

附於此

周文王之為世子朝於王季日三三皆曰朝以其禮同雞初鳴而

衣服至於寢門外問內豎之御者曰今日安否何如內豎

小臣之屬掌外內之通命者御如今之小吏直日矣內豎曰安文王乃喜孝子恒兢兢

及日中又至亦如之及莫又至亦如之莫夕也其有不安

節則內豎以告文王文王色憂行不能正履節謂履處故事履蹈

地也王季復膳然後亦復初食上必在視寒暖之節在察也

食下問所膳問所食也命膳宰曰未有原應曰諾然後退末

勿也原再也勿有所再進為其失飪臭味惡也退反其寢武王帥而行之不敢有加

焉庶幾程式文王有疾武王不說冠帶而養言常在側文王

一飯武王亦一飯文王再飯亦再飯欲知氣味旬有二

日乃間

文王正如太姒生武王武王同母兄弟十人其長子曰

伯邑考次日武王發次日管叔鮮次日周公旦次日蔡

叔度次日曹叔振鐸次日成叔武次日霍叔處次日康

叔封次日冉叔載正義冉作丹

右史記世家所載如此左傳言管蔡邲霍魯衛毛

聃邲雍曹滕畢原鄭郇文之昭也杜氏註十六國

皆文王子也然則史記世家所載十人蓋太姒正

妃之子而邲雍滕畢原鄭郇七人則皆庶子歟七人皆受封惟畢與周召共佐成王功德最顯滕有國至戰國時傳世最久餘無聞焉

武王子 成王 邲 晉 應 韓

右文王武王之子其詳見於左傳故備錄之成王

以後之王子除繼世以有天下者可考而餘無聞

焉其經傳所及者亦畧載之於後 又按周以來

王子多為諸侯其受封傳世之本末分藩建國之

規制已詳著於封建考更不再敘姑錄其名字耳

漢以後諸侯王倣此

穆王二子 共王繫扈 孝王辟方

厲王二子 宣王靜 鄭桓公友

幽王二子 平王宜臼 伯服

桓王二子 莊王佗 王子克

莊王二子 釐王胡齋 王子頹

惠王二子 襄王鄭 甘昭公叔帶

頃王二子 匡王班 定王瑜

景王四子 太子聖 悼王猛 敬王丐 王子朝

貞王三子 哀王去疾 思王叔 考王嵬

考王二子 威烈王午 西周桓公揭

安王二子 烈王喜 顯王扁

秦孝文王子二十餘人 呂不韋說子楚曰子之兄弟二十餘人子居中不甚見幸久質

諸侯太子即位子不得為嗣矣

始皇子 長子扶蘇 公子十二人 公子將閭昆弟

三人 公子高 二世胡亥

按此據史記載二世既立趙高言沙邱之謀諸公子及大臣疑之諸公子皆帝兄怏怏不服當盡除之於是公子十二人僂死於市公子將閭昆弟三人囚於內宮議其罪使使賜死三人皆流涕拔劍自殺公子高欲奔恐收族乃上書請從死驪山二

世許之以是觀之始皇之子見於傳記而可考者
十六人并扶蘇胡亥共十八人扶蘇以下十七人
俱爲胡亥所殺胡亥復爲趙高所殺皆不得良死
嗟乎威震四海功加五帝而身歿未幾子孫殲焉
彼文昭武穆之苗裔分茅胙土與國咸休者數百
年而未艾也仁而延暴而顛信哉

漢高皇帝八男呂后生孝惠帝曹夫人生齊悼惠王肥
薄姬生孝文帝戚夫人生趙王如意趙姬生淮南厲王
長諸姬生趙幽王友趙共王恢燕靈王建高五王傳
孝文皇帝四男竇皇后生景帝梁孝王武諸姬生代孝

王參梁懷王揖

文三王傳

孝景皇帝十四男王后生孝武皇帝栗姬生臨江閔王
榮河間獻王德臨江哀王闕程姬生魯共王餘江都易
王非膠西于王端賈夫人生趙敬肅王彭祖中山靖王
勝唐姬生長沙定王發王夫人生廣川惠王越膠東康
王寄清河哀王乘常山憲王舜景十三王傳

孝武皇帝六男衛皇后生戾太子趙婕妤生孝昭帝王
夫人生齊懷王閔李姬生燕刺王旦廣陵厲王胥李夫
人生昌邑哀王髆武五子傳

孝宣皇帝五男許皇后生孝元帝張婕妤生淮陽憲王

欽衛健好生楚孝王躡公孫健仔生東平恩王宇戎健

好生中山哀王竟

宣元六
王傳

孝元皇帝三男王皇后生孝成皇帝傅昭儀生定陶共

王康馮昭儀生中山孝王興

宣元
王傳

東漢光武十一子郭皇后生東海恭王强沛獻王輔濟

南安王康阜陵質王延中山簡王焉許美人生楚王英

光烈皇后生顯宗東平憲王蒼廣陵思王荆臨淮懷公

衡琅邪孝王京

明帝九子賈貴人生章帝陰貴人生梁節王暢餘七王

千乘哀王建陳敬王羨彭城靖王恭樂成靖王黨下邳

惠王衍淮陽頃王昞濟陰悼王長本書不載母氏

章帝八子宋貴人生清河孝王慶梁貴人生和帝申貴

人生濟北惠王壽及河間孝王開餘四王千乘正王伉

平春悼王全城陽懷王淑廣宗殤王萬歲不載母氏

和帝一子平原懷王勝

並列
傳

後漢制拜皇太子儀百官會位定謁者引皇太子當

御座殿下北面司空當太子西北東面立讀策書畢

中常侍持太子璽綬太子再拜三稽首謁者贊曰皇

太子臣某甲謁者稱制曰可三公升階上殿賀壽萬

歲因赦天下

舊制太子食湯沐十縣周衛交戟五日一朝因坐東
廂省視膳食其非朝日使僕中允旦旦請問而已明
不媒黷廣其敬也

魏武帝二十五男卞皇后生文皇帝任城威王彰陳思
王植蕭懷王熊劉夫人生豐愍王昺哀殤王鑠環夫人
生鄧哀王冲彭城王據燕王宇杜夫人生沛穆王林中
山恭王袞秦夫人生濟陽懷王珪陳留恭王竣尹夫人
生范陽閔王矩王昭儀生趙王揮孫姬生臨邑殤公子
上楚王彪剛殤公子勤李姬生穀城殤公子乘郟戴公
子整靈殤公子京周姬生楚安公均劉姬生廣宗殤公

子棘宋姬生東平靈王徽趙姬生樂陵王茂

文帝九男甄皇后生明帝李貴人生贊哀王協藩淑媛
生北海悼王蕤朱淑媛生東武陽懷王鑿仇昭儀生東
海定王霖徐姬生元城哀王禮蘇姬生邯鄲懷王邕張
姬生清河悼王貢宋姬生廣平哀王儼

晉宣帝九男穆張皇后生景帝文帝平原王幹伏夫人

生汝南文成王亮瑯邪武王伉音由清惠亭侯京扶風武

王駿張夫人生梁王彤音融栢夫人生趙王倫

文帝九男文明王皇后生武帝齊獻王攸城陽哀王兆
遼東悼惠王定國廣漢殤王廣德其樂安平王鑿燕王

機皇子永祚樂平王延祚不知母氏

武帝二十六男楊元后生毘陵悼王軌惠帝秦獻王東
審美人生城陽懷王景楚隱王瑋長河厲王義徐才人
生城陽殤王憲匱才人生東海冲王祗趙才人生始平
哀王裕趙美人生代哀王演李夫人生淮南忠壯王允
吳孝王晏嚴保林生新都懷王該陳美人生清河康王
遐諸姬生汝陰哀王謨程才人生成都王穎王才人生
孝懷帝楊悼后生渤海殤王恢餘八子不顯母氏並早
夭又無封國及追諡

元帝六男宮人荀氏生明帝及瑯邪孝王哀石健仔生

東海哀王冲王才人生武陵威王晞鄭夫人生瑯邪悼
王煥及簡文帝

明帝二男庖皇后生成帝康帝

成帝二男太如周氏生哀帝海西公

簡文帝七男王皇后生會稽思世子道生皇子俞生胡
淑儀生臨川王郁皇子朱生王淑儀生皇子天流李夫
人生孝武帝會稽孝王道子俞生朱生天流並早夭
孝武帝二子安帝恭帝不知母氏

晉制皇帝會公卿座位定太子後至孫毓以爲羣臣
不應起禮曰父在斯爲子君在斯爲臣侍坐於所尊

見同等不起皆以為尊無二上故有所厭之義也昔
衛綰不應漢景之召釋之正公門之法明太子事同
於羣臣羣臣亦統一於所事應依同等不起之禮明
帝太寧三年詔曰漢魏以來尊崇儲貳使官屬稱臣
朝臣咸拜此甚無謂今太子衍幼冲之年使臣先達
將今所習見謂之自然此豈可以教之邪令內外通
議尚書令卞壺議以為春秋王太子不會名禮同於
君皆所以重儲貳異正嫡苟奉之如君不得不拜矣
太子若存謙冲故宜答拜臣以為皇太子之立郊告
天地正位儲宮豈得同之皇子揖讓而已謂宜稽則

漢魏闔朝同拜從之

徐趙云東宮臣上表天朝既用黃紙上太子疏則用白紙也北

人有作符闕宮屬者云東宮臣上疏於太子用白紙太子答之用黃紙朝士率常賤上下死罪太子答之姓白亦有惶恐此自得中朝舊法

東晉孝武皇帝泰元十二年臺符問皇太子既拜朝
臣奉賀應上禮不國子博士車允云百辟卿士咸與
盛禮展敬拜伏不須復上禮唯方伯牧守不覩大禮
自非酒牢貢羞無以裁其乃誠故宜有上禮亦如元
正大慶方伯莫不上禮朝臣奉璧而已太學博士庾
弘之議按武帝咸寧中諸王新拜有司近臣諸王公
主上禮今皇太子國之儲副既以崇建普天同慶謂

應上禮奉賀按漢魏故事皇太子稱臣新禮以太子
既以子爲名而又稱臣臣子兼稱於義不通除太子
稱臣之制摯虞以爲孝經資於事父以事君兼臣子
則不嫌稱臣宜定新禮皇太子稱臣如舊詔從之尚書
符又問王公以下見皇太子儀及所制衣服車允議
朝臣宣朱衣襦幘拜敬太子答拜按經傳不見其文
故太傅羊祜賤慶太子稱叩頭此則拜之証又大寧
三年詔議其典尚書卞壺謂宜稱則漢魏闔朝同拜
其朱衣冠冕唯施
天朝宜襦幘而已

宋武帝七男張夫人生少帝孫脩華生廬陵孝獻王義
真胡捷仔王文帝王脩容生彭城王義康相美人生江
夏文獻王義恭孫美人生南郡王義宣呂美人生衡陽

文王義季

文帝十九男元皇后生元凶劭潘淑妃生始興王濬路
淑媛生孝武帝吳淑儀生南平穆王鑠高脩儀生廬陵
昭王紹殷脩華生竟陵王誕曹捷仔生建平宣簡王宏
陳脩容生東海王禕謝容華生晉熙王昶江脩容生武
昌王渾沈捷仔生明帝楊美人生始安王休仁邢美人
生山陽王休祐蔡美人生海陵王休茂董美人生鄱陽
哀王休業顏美人生臨慶冲王休倩陳美人生新野懷
王夷父荀美人生桂陽王休範羅美人生巴陵哀王休
若紹出繼廬陵孝獻王義真

孝武帝二十八男文穆皇后生廢帝子業豫章王子尚
陳淑媛生晉安王子勛阮容華生安陸王子綏徐昭容
生皇子子深何淑儀生松滋侯子房史昭華生臨海王
子項殷貴妃生始平孝敬王子鸞次永嘉王子仁與皇
子子深同生何婕妤生皇子子鳳謝昭容生始安王子
真江婕妤生皇子子元史昭儀生邵陵王子元次齊敬
王子羽與始平孝敬王子鸞同生江美人生皇子子衡
楊婕妤生淮南王子孟次皇子子况與皇子子元同生
次南平王子產與永嘉王子仁同生次晉陵孝王子雲
次皇子子文並與始平孝敬王子鸞同生次廬陵王子

輿與淮南王子孟同生次南海哀王子師與始平孝敬
王子鸞同生次淮南思王子霄與皇子子元同生次皇
子子雍與始安王子真同生次皇子子趨與皇子子鳳
同生次皇子子期與皇子子衡同生次東平王子嗣與
始安王子真同生張容華生皇子子悅安陸王子綏南
平王子產廬陵王子與並出繼皇子子深子鳳子元子
衡子况子文子悅未封早天子趨子期子悅未封爲明
帝所殺

明帝十二男陳貴妃生後廢帝謝修儀生皇子法良陳
昭華生順帝徐婕妤生第四皇子鄭修容生皇子智并

次晉熙王燮與皇子法良同生泉美人生邵陵殤王友
次江夏王躋與第四皇子同生徐良人生武陵王贊杜
修華生隨陽王翽次新興王嵩與武陵王贊同生又泉
美人生始建王禧智并燮躋贊並出繼法良未封第四
皇子未有名早夭

齊高帝十九男昭皇后生武帝豫章文獻王凝謝貴嬪
生臨川獻王映長沙威王晃羅太妃生武陵昭王暕任
太妃生安成恭王暕陸修儀生鄱陽王鏘晉熙王錄袁
修容生桂陽王鐸何太妃生始興簡王鑑宜都王鏗區
貴人生衡陽王鈞張淑妃生江夏王鋒河東王鉉李美

人生南平王銳第九第十三第十四第十七皇子早亡
衡陽王鈞出繼帝兄元王後

武帝二十三男穆皇后生文惠太子竟陵文宣王子良
張淑妃生廬陵王子卿魚腹侯子響周淑儀生安陵王
子敬建安王子真阮淑媛生晉安王子懋衡陽王子峻
王淑儀生隨郡王子隆蔡婕妤生西陽王子明樂容華
生南海王子罕傅充華生巴陵王子倫謝昭儀生邵陵
王子貞江淑儀生臨賀王子岳庾昭容生西陽王子文
荀昭華生南康王子琳顏婕妤生永陽王子珉宮人謝
生湘東王子建何充華生南郡王子夏第六第十二第

十五第二十二皇子早亡子珉繼衡陽元王後

明帝十一男敬皇后生廢帝東昏侯寶卷江夏王寶元
鄱陽王寶寅和帝殷貴嬪生巴陵隱王寶義晉熙王寶
嵩袁貴妃生廬陵王寶源管淑妃生邵陵王寶修許淑
媛生桂陽王寶貞餘皆早夭

梁武帝八男丁貴嬪生昭明太子統簡文皇帝廬陵威
王續阮修容生孝元帝吳淑媛生豫章王綜董昭儀生
南康簡王績丁充華生邵陵攜王綸葛修容生武陵王
紀

簡文帝二十子王皇后生哀太子大器南郡王大連陳

淑容生潯陽王大心左夫人生南海王大臨安陸王大
春謝夫人生瀏陽公大雅張夫人生新興王大莊包昭
華生西陽王大鈞范夫人生武寧王大盛褚修華生建
平王大球陳夫人生義安王大昕朱夫人生綏建王大
摯其臨川王大穎桂陽王大成汝南王大封樂良王大
園並不知母氏潘美人生皇子大訓早亡

元帝諸子徐妃生忠烈世子方等王貴嬪生貞惠世子
方諸始安王方略袁貴人生愍懷太子方矩夏貴妃生
敬皇帝餘不顯

陳文帝十三男沈皇后生廢帝始興王伯茂嚴淑媛生

鄱陽王伯山晉安王伯恭潘容華生新安王伯固劉昭
華生衡陽王伯信王充華生廬陵王伯仁張容華生江
夏王伯義韓修華生武陵王伯禮江貴妃生永陽王伯
智孔貴妃生桂陽王伯謀二男早卒無名伯信出繼衡
陽王昌

宣帝四十二男柳皇后生後主彭貴人生始興王叔陵
曹淑華生豫章王叔英何淑儀生長沙王叔堅宜都王
叔明魏昭華生建安王叔卿錢貴妃生河東王叔獻劉
昭儀生新蔡王叔齊袁昭容生晉熙王叔文義陽王叔
達新會王叔坦王姬生淮南王叔彪巴山王叔雄吳姬

生始興王叔重徐姬生尋切王叔儼淳于姬生岳陽王
叔慎王修華生武昌王叔虞韋修容生湘東王叔平施
姬生臨賀王叔敖沆陵王叔興曾姬生陽山王叔宣楊
姬生西陽王叔穆申捷仔生海陵王叔儉南郡王叔澄
岳山王叔韶太原王叔匡袁姬生新興王叔純吳姬生
巴東王叔謨劉姬生臨海王叔顯秦姬生新寧王叔隆
新昌王叔榮其皇子叔叡叔忠叔泓叔毅叔訓叔武叔
處叔封八人並未及封三子早卒無名

後主二十二男張貴妃生太子深會稽王莊孫姬生吳
興王允高昭儀生南平王疑呂淑媛生永嘉王彥邵陵

王兢龔貴嬪生南海王虔錢塘王恬張淑華生信義王
祇徐淑儀生東陽王恮孔貴人生吳郡王藩其皇子總
觀明綱統充洽縉綽威辯十一人並未及封

後魏道武皇帝十男宣穆劉后生明元帝賀夫人生清
河王紹大王夫人生陽平王熙王夫人生河南王曜河
間王修長樂王處又二王母氏闕段夫人生廣平王連
京兆王黎皇子渾及聰母氏並闕皆早薨無傳

明元皇帝七男杜密皇后生太武大慕容夫人生樂平
戾王丕安定殤王彌闕母氏慕容夫人生樂安宣王範
尹夫人生永昌莊王健建寧王崇新興王俊二王並闕

母氏

太武帝十一男賀皇后生景穆帝越椒房生晉王伏羅
舒椒房生東平王翰弗椒房生臨淮王譚伏椒房生廣
陽王建閭石昭儀生吳王余其小兒猫兒真彪頭龍頭
並闕母氏蚤薨無傳

景穆帝十四男恭皇后生文成皇帝袁椒房生陽平幽
王新成尉椒房生京兆康王子推濟陰王小新成楊椒
房生汝陰靈王天賜樂良厲王萬壽廣平殤王洛侯母
並闕孟椒房生任城康王雲劉椒房生南安惠王禎城
陽康王長壽慕容椒房生章武敬王太洛尉椒房生樂

陵康王胡仁孟椒房生安定靖王休趙王深早薨無傳
母闕

文成皇帝七男孝元皇后生獻文皇帝李夫人生安樂
厲王長樂曹夫人生廣川莊王略沮渠夫人生齊郡順
王簡乙夫人生河間孝王若悅夫人生安豐匡王猛元
夫人生韓哀王安平早薨無傳

獻文皇帝七男思皇后生孝文皇帝封昭儀生成陽王
禧韓貴人生趙郡靈王韓高陽文穆王雍孟椒房生廣
陵慧王羽潘貴人生彭城宣王勰高椒房生北海王詳
孝文皇帝七男林廢后生廢太子恂文昭皇后生宣武

帝廣平文穆王懷袁貴人生京兆王愉羅夫人生清河
文獻王懌汝南文宣王悅鄭充華生皇子桃未封早夭
齊神武帝十五男武明婁皇后生文襄皇帝文宣皇帝
孝昭皇帝襄城景王清武成皇帝博陵文簡王濟王氏
生永安簡平王浚穆氏生平陽靖翼王淹大爾朱氏生
彭城景思王浹華山王凝韓氏生上黨剛肅王渙小爾
朱氏生任城王湣游氏生高陽康穆王湜鄭氏生馮翊
王潤馬氏生漢陽敬懷王洽

文襄六男文敬元皇后生河間王孝琬宋氏生河南王
孝瑜王氏生廣寧王孝珩蘭陵王長恭不傳母氏陳氏

生安德王延壽燕氏生漁陽王紹信

文宣五男李后生廢帝及太原王紹德馮世婦生范陽

王紹義裴嬪生西河王紹仁顏嬪生隴西王紹廉

孝昭七男元皇后生樂陵王百年桑氏生襄城王亮諸

姬生汝南王彥理始平王彥德城陽王彥基定陽王彥

康汝陽王彥忠

武成十三男胡皇后生後主及瑯邪王儼李夫人生南

陽王綽後宮生齊安王廓北平王貞高平王仁英淮南

王仁光西河王仁機樂平王仁邕潁川王仁儉安樂王

仁雅丹陽王仁直東海王仁謙

後主五男穆皇后生幼主諸姬生東平王恪次善得次
買德次資錢

北齊冊皇太子皇帝臨軒司徒爲使司空副之太子
服遠遊冠入至位使者入奉冊讀訖皇太子跪受冊
於使者以授中庶子又受璽綬於尚書以授庶子稽
首以出就策使者持節至東宮宮臣內外官定列皇
太子階東西面若幼則太師抱之主衣二人奉空頂
幘服從以授冊明日拜章表於東宮殿庭中庶子中
舍人乘輅車奏章詣闕堂謝擇日齋於崇正殿服冕
乘安車謁廟擇日羣臣上禮又擇日會明日三品以

上牋賀

天保元年皇太子監國在西林園冬會羣臣議皆東面二年於北城第內冬會又議東面吏部郎陸印疑非禮魏收改爲西面邢子才議欲倣前日凡禮有同者不可令異詩說天子至於大夫皆乘四馬况以方面之少何可皆不同乎若太子定西面者王公卿大夫士復何面也南面人君正位今一官之長無不南面太子聽政亦南面坐議者引晉舊事太子在東宮西面爲避尊位非爲嚮臺殿也子才以爲東晉博儀依漢魏之舊太子普臣四海不以爲嫌何疑於東面

禮嗣子絕旁親嗣子冠於阼冢子生接以太牢漢元著令太子絕馳道此皆禮同於君又晉王公嗣攝命臨國乘七旒安車駕用三馬禮同三公近宋太子乘象輅皆有同處不以爲嫌况東面者君臣通禮獨何爲避明爲嚮臺所以然也近皇太子在西林園於殿猶且東面於北城非宮殿之處更不得邪諸人以東面爲尊宴會須避按燕禮燕義君位在東賓位在西君位在阼階故有武王踐阼不在西也禮乘君之車不敢曠左君在惡空其位左亦在東不在西也君在阼夫人在房鄭注人君尊東也前代及今皇帝宴會

接客亦東堂西面若以東面爲貴皇太子以儲貳之禮監國之重別第宴臣賓自得申其正位禮者皆東宮臣屬公卿預宴觀禮而已若以西面爲卑實是君之正位太公不肯北面說丹書西面則道之西面乃尊也君位南面有東有西何可皆避且事之少異有可相比者周公之臣也太子子也周公爲冢宰太子爲儲貳明堂尊於別第朝諸侯重於宴臣賓南面貴於東面臣踈於子冢宰輕於儲貳周公攝政得在明堂南面朝諸侯今太子監國不得於別第宮東面宴客情所未安且君行以太子監國君宴不以公卿爲

賓朋父子無嫌君臣有嫌按儀注王受詔冠婚皇子皇女皆東面今不約王公南面獨約太子何所取邪議者南尊改就西面轉居尊位更非合禮方面旣少難爲節文東西二面君臣通用太子宜然於禮爲允周文帝十三子姚夫人生明帝後宮生宋獻公震文元皇后生孝閔皇帝文宣叱奴皇后生武帝魏刺王直達步妃生齊煬王憲王姬生趙僭王招後宮生譙孝王儉陳惑王純越野王盛代罌王達冀康公通滕文王迥孝閔帝一子陸夫人生紀厲王康

武帝七男李皇后生宣帝漢王贊庫汗姬生秦王贊曹

王允馮姬生道王充薛世婦生蔡王兌鄭姬生荆王元
宣帝三子朱皇后生靜帝王姬生業王衍皇甫姬生郢
王術

隋文帝五男皆文獻后獨孤氏所生長房陵王勇次煬
帝次秦孝王俊次庶人秀次庶人諒

文帝立勇爲皇太子軍國政事及尚書死罪以下皆
令勇參決後經冬至百官朝勇勇張樂受賀帝問朝
臣近聞至節內外百官相率朝東宮是何禮也太常
少卿辛直對曰於東宮是賀不得言朝帝曰改節稱
賀正可三數十人逐情各去何因有司徵召一時普

集太子法服設樂以待之東宮如此殊乖禮制乃下
詔曰皇太子雖居上嗣義兼臣子而諸方嶽牧正冬
朝賀任土作貢別上東宮事非典則宜悉停斷

煬帝三男蕭皇后生元德太子昭齊王暕蕭嬪生趙王
杲

唐高祖二十二子竇皇后生隱太子建成太宗皇帝衛
懷王元霸巢刺王元吉萬貴妃生楚王智雲莫嬪生荆
王元景孫嬪生漢王元昌尹德妃生豐王元亨張氏生
周王元方郭健仔生徐王元禮宇文昭儀生韓王元嘉
魯王靈夔王才人生彭王元則張寶林生鄭王元懿張

美人生霍王元軌楊美人生虢王鳳劉儵仔生道王元
慶崔嬪生舒王元名楊嬪生江王元祥魯才人生密王
元曉柳寶林生滕王元嬰

太宗十四子文德皇后生常山愍王承乾濮王泰高宗
皇帝後宮生楚王寬楊妃生吳王恪蜀王愔陰妃生齊
王祐王氏生蔣王暉燕妃生楚王貞江王囂韋妃生紀
王慎後宮生代王簡楊妃生趙王福楊氏生曹王明

高宗八子後宮劉氏生燕王忠鄭氏生原悼王孝楊氏
生澤王金蕭淑妃生許王素節武后生孝敬皇帝弘章
懷太子賢中宗睿宗

中宗四子韋庶人生懿德太子重潤後宮生譙王重福
節愍太子重俊殤帝

睿宗六子肅明皇后生讓皇帝憲宮人柳氏生惠莊太
子撝昭成皇后生元宗崔孺人生惠文太子範王德妃
生惠宣太子業後宮生隋王隆悌

元宗三十子劉華妃生奉天皇帝琮靖恭太子琬儀王
璿趙麗妃生太子瑛元獻皇后生肅宗錢妃生棣王琰
皇甫德儀生鄂王瑤劉才人生光王琚武惠妃生懷思
王敏及壽王瑁盛宣王琦高儵仔生沐哀王璿郭順儀
生承王璘柳儵仔生延王玢鍾美人生濟王環盧美人

生信王璿閻才人生義王玘王美人陳王珪陳才人生豐王珙鄭才人生恒王璵武賢儀生涼王璿汴哀王璿餘七子天母氏失傳

肅宗十四子章敬皇后生代宗宮人孫氏生越王保張氏生承天皇帝倓王氏生衛王佖陳健仔生彭王儉韋妃生堯王儻張美人生涇王佺後宮生鄆王榮裴昭儀生襄王儂段健仔生杞王倕崔妃生召王偲張皇后生恭懿太子佖定王侗後宮生僖

代宗二十子睿真皇后生德宗崔妃生昭靖太子邈貞懿皇后生韓王迥其均王遐睦王述丹王逾恩王連簡

王邁益王迺隋王迅荆王選蜀王遡忻王造韶王暹嘉王運端王遇循王適恭王通原王達雅王逸凡十七王史亡其母之氏位

德宗十一子昭德皇后生順宗帝取昭靖太子子舒王誼爲第二子又取順宗子文敬太子諲爲第六子餘通王諶虔王諒肅王祥資王謙代王諲昭王誠欽王鄂珍王誠八王史亡其母之氏位

順宗二十七子莊憲皇后生憲宗及福王綰張昭訓生郊王經趙昭儀生宋王結王昭儀生郇王總邵王約岳王緄其淑王縱莒王紆密王稠積王緡冀王綵和王綺

衡王絢珍王繕撫王紘桂王綸袁王紳翼王綽鄆王緝
欽王績凡二十王史亡其母之氏位

憲宗二十子紀美人生惠昭太子寧懿安皇后生穆宗
孝明皇后生宣宗後宮生灃王憚深王悰絳王悟建王
恪鄜王憬瓊王悅沔王郇葵王懌茂王愔緇王協衡王
愔澶王悅棣王惴彭王惕信王愐榮王憤凡十七王史
失其母之氏號

穆宗五子恭僖皇后生敬宗貞獻皇后生文宗宣懿皇
后生武宗後宮生懷懿太子湊安王溶史失其母之號
氏

敬宗五子郭妃生悼懷太子普後宮生陳王成美梁王
休復襄王執中紀王言揚史失其母之號氏

文宗二子王德妃生莊恪太子永後宮生蔣王宗儉
武宗五子杞王峻益王峴堯王岐德王懌昌王嗟史並
失其母之氏位

宣宗十一子昭太后生懿宗後宮生靖懷太子漢通王
滋慶王沂濮王澤鄂王潤懷王洽昭王汭康王汶廣王
雍衛王灌史失其母之氏位

懿宗八子惠安皇后生僖宗恭憲皇后生昭宗後宮生
魏王侑涼王旻蜀王佶威王侃吉王保恭哀太子倚史

失其母之氏位

僖宗二子建王震益王陞史失其母之氏位

昭宗十七子積善皇后生德王裕及哀帝後宮生棣王
翊虔王禛沂王禋遂王禕景王祕祁王祺雅王禎瓊王
祥端王禎豐王祁和王福登王禧嘉王祐穎王禔蔡王
祐史失其母之氏位

梁太祖八子末帝柳王友裕博王友文郢王友珪福王
友璋賀王友雍建王友徽康王友敬史不言其母氏

後唐莊宗五子劉后生魏王繼岌繼潼繼嵩繼蟾繼曉
史不言其母氏

明宗六子昭懿皇后夏氏生秦王從榮愍帝宣憲皇后
魏氏生潞王從珂淑妃王氏生許王從益從景從璨史
不言其母氏

廢帝二子重吉重美史不言其母氏

晉高祖七子李皇后生楚王重信號王重英壽王重義
郟王重允夔王重進陳王重杲重睿史不言其母氏
少帝二子延煦延寶史不言其母氏

漢高祖三子魏王承訓隱帝陳王承勳史皆不言其母
氏

周太祖三子養子世宗郟王侗杞王信史皆不言其母

氏

世宗五子越王宗誼恭帝曹王宗讓紀王熙謹鄆王熙
誨史不言其母氏

宋太祖皇帝四子賀皇后生留哥魏王德昭顯哥王皇
后生岐王德芳

太宗九子李皇后生楚王元裕及真宗其昭成太子元
僖陳王元份安王元傑密王元偓曹王元偁鎮王元儼
代國公元億史不詳其母氏

至道元年詔立皇太子令有司草具冊禮以翰林學
士承旨宋白爲冊皇太子禮儀使有司言按前代無

太子執圭之文按周禮公儀執桓圭公卽三恪之後
乃上公也晉制太子出會在三恪之下三公之上請
如王公之制執桓圭餘如舊制從之九月丁卯太宗
御朝元殿陳如元會之儀皇太子自東宮常服乘馬
赴朝元門外幄次改服遠遊冠朱明衣三師三少導
從入殿門受冊寶太尉率百官奉賀皇太子易服乘
馬還宮百官朝服詣宮參賀樞密使內職諸王宗室
師保賓客宮臣等畢集皆序班於宮門之外庶子版
奏外備內臣褰簾皇太子常服出次就座諸王宗室
參賀再拜訖垂簾皇太子降座還次中書門下文武

百官樞密使內職師賓客而下以次參賀皆降階答拜訖升座受文武官臣三品以下參賀庚午具鹵簿謁太廟五室常服乘馬出東華門升輅先是有司言唐禮宮臣參賀皇太子皆舞蹈開元始罷其禮故事百官及東宮官接見祇呼皇太子上牋啓稱皇太子殿下百官自稱名宮官自稱臣常所行用左春坊印宮內行令又按唐制凡東宮處分論事之書皇太子並書諾今左右庶子以下署姓名宣奉行書其與親友師傅等書不用此制今請如開元之制宮臣止稱名不行舞蹈之禮伏緣皇太子兼判開封府其所上

表狀卽署皇太子之位其當申中書樞密院狀祇判官署餘斷按及處分公事並書諾詔爲准餘皆從之又言百官見皇太子自兩省五品尚書省御史臺四品諸司三品以上皆答拜餘悉受拜宮臣自左右庶子以下悉用參見之儀其皇太子宴會位在王公之上奏可有司草具皇太子受冊畢朝皇后儀詔止用宮中常禮十月皇太子言臣自受冊以來逮茲累日每見僚屬率皆稱臣况至尊無二上之文事主有比肩之義在臣之懇實所不遑望許仍舊名許之真宗天禧二年八月丁卯冊爲皇太子並如至道之儀冊

用珉玉如乘輿之制而差損降其押輿用金塗銀平
鈇承以髹漆小案飾以衣繡凡飾用龍者皆以螭鳳
天禧四年閏十二月左僕射兼太子少師平章事丁
謂言臣與兼少保賓客至資善堂許皇太子不答拜
詔不允

真宗六子郭皇后生周王元祐章懿李皇后生仁宗四
子早亡史不詳其母氏
仁宗三子俞才人生褒王昉苗昭儀生豫王昕朱才人
生鄂王曦皆早亡英宗以濮安懿王之子立爲皇子入
繼大統

英宗四子長神宗次吳王顥潤王顏益王頽皆宣仁高
皇后所生

神宗十四子欽成朱皇后生哲宗楚榮憲王似欽慈陳
皇后生徽宗宋夫人生成王侑邢賢妃生惠王僅冀冲
孝王僩徐冲惠王侗宋健仔生唐哀獻王俊向夫人生
褒王伸邢婉儀生豫悼惠王价武賢妃生吳榮穆王必
郭夫人生儀王偉林賢妃生燕王俱越王偲

徽宗二十一子顯恭王皇后生欽宗顯仁韋皇后生高
宗明達劉皇后生濟陽郡王棫祁王模信王榛明節劉
皇后生建安郡王模嘉國公椅英國公榘諸姬生堯冲

僖王棧鄆王楷荆悼敏王楫肅王樞景王杞齊王栩邠
冲穆王材莘王植華原郡王樸徐王棣沂王楞鄆冲懿
王拱和王栻漢冲昭王椿安康郡王榘廣平郡王榷陳
悼惠王機相國公榑瀛國公榑溫國公棟儀國公桐昌
國公柄潤國公樅

欽宗二子仁懷朱皇后生太子諶少子訓北地所生終
於五國城

高宗一子潘賢妃生元懿太子粦早亡孝宗以秀安僖
王之子立爲皇太子入繼大統

孝宗四子莊文太子惇魏惠獻王愷光宗邵悼肅王恪
皆成穆郭皇后所生

初紹興崇建皇儲詔有司備禮冊命然在欽宗恤制
未及製樂乾道初元詔啓震宮命禮部太常寺討舊
典以聞受冊日陳黃麾仗於大慶殿設宮架樂於殿
庭皇帝陞降御座作乾安之樂升用黃鍾宮降用蕤
賓宮皇太子入殿門作明安之樂受冊出殿門亦如
之皆用應鍾宮至七年易應鍾而奏以姑洗古者太
子生則太師吹管以度其聲觀所協之律有虞典樂
教胄子自天子至元子皆以樂爲教所以養其情性
之正蕩滌邪氛消融查滓而和順於道德則陳金石

雅奏以重元良冊拜宜倣古誼式昭盛禮繇唐季世
儲貳罕定國家亦多故而禮廢樂缺皇朝建隆定樂
雖詔皇太子出入奏良安至道始冊皇太子有司言
太子受冊宜奏正安之樂舉行百年曠典中外胥悅
至天禧冊命禮儀院復奏改正安爲明安之樂乾道
之用明安實相述天禧而姑洗爲宮則唐東宮軒垂
奏樂舊貫云

光宗二子節使挺及寧宗皆慈懿李皇后所生

寧宗九子長子未名而夭莫詳母氏恭淑韓皇后生堯
王峻邠王坦郢王增華王垌鍾夫人生順王圻申王塈
其肅王垰邠王坻史不言其母氏九王俱早夭景獻太
子詢以燕懿王後立爲太子薨於東宮理宗以沂靖惠
王後立爲皇太子入繼大統

文獻通考卷第二百五十七

文獻通考卷第二百五十八

鄱 陽 馬 端 臨 貴 與 著

帝系考九

公主

唐堯二女長曰娥皇次曰女英以妻舜

孟子舜尚見帝帝館甥於貳室亦饗舜迭為賓主

也舜上而見於帝堯也貳室副宮也堯舍舜於副宮而就饗其食堯之於舜使其子

九男事之二女女焉百官牛羊倉廩備以養舜於畝

畝之中

商帝乙歸妹以祉元吉

乾隆十二年校刊

文獻通考卷二百五十八 帝系九

周武王以元女大姬配虞胡公而封之陳以備三恪

詩何彼穠矣美王姬雖則王姬亦下嫁於諸侯車服

不係其夫下王后一等猶執婦道以成肅雝之德也

下王后一等謂車乘屏風服則禴翟 疏曰王后五輅以重翟為上厭翟次之六服禕衣為上禴翟次之

天子尊無二上故其女可下王后一等若諸侯之女下嫁則從其夫之爵何休云天子嫁女於諸侯備姪

弟如諸侯禮皇甫謐云武王五男二女元女妻胡公王姬以為媵今何得適齊侯之子何休事未可據也

何彼穠矣唐棣之華曷不肅雝王姬之車穠猶戎戎也厚貌唐

棣移也今之郁李王姬下嫁於諸侯車服之盛如此而不敢挾貴以驕其夫故其見車者知其能敬與和

肅雝者王姬而曰王姬之車不敢指切之也唐何彼棣之華華如桃李皆言王姬容色之盛美也

穠矣華如桃李平王之孫齊侯之子武王女文王孫適齊侯之子言

平王之孫齊侯之子其其鈞維何維絲伊緡齊侯之辭匹敵則不驕亢可知

子平王之孫言絲之合而為綸猶男女合而為婚

魯莊公元年秋築王姬之館于外

左氏傳為外禮公在諒闇慮齊侯當親迎不忍便以禮接於朝又不敢逆王命故築舍於

外齊強魯弱又委罪於彭生魯不能讎齊然喪制未畢故異其禮得禮之變公羊傳何

以書譏爾築之禮也於外非禮也以言外知有築內也禮同姓本有主嫁女之道必闕地於夫入之下於

羣公子之上也時魯以將嫁女於讎國故築於外於外何以非禮據非築於外非禮也於遠辭也為營衛

讎國除譏也魯本自得以讎為其築之何以禮據禮

辭無為受命而外之故曰非禮其築之何以禮當預

設主王姬者必為之改築主王姬者曷為必為之改

築據諸侯於路寢則不可小寢則可皆所以羣公子

之舍謂女公則以卑矣謂太其道必為之改築者也

以上傳言爾之當築夫人禮也外城築之為禮何也主王姬者必自公門出公

朝之外門主王姬者當設几席筵於宗廟於廟則已

以俟迎者故在宮門之內築王姬之館尊於寢則已卑為之築節築之外變之正也築之外

變之為正何也仇讎之人非所以接婚姻也纒麻非

所以接弁冕也親迎服祭服重婚其不言齊侯之來

逆何也不使齊侯得與吾為禮也

初學記昔堯女有娥皇女英舜妹有敦手舜女有

宵明燭光易有帝乙歸妹周武王之女嫁於陳並

未有封邑之號至周中葉天子嫁女於諸侯天子

至尊不自主婚必使諸侯同姓者主之始謂之公

主秦代因之亦曰公主漢制帝女為公主帝姊妹

為長公主漢制皇女皆封縣公主儀服同藩王

秦二世時十公主叱死於杜皆始皇

漢制皇女皆稱縣公主師古曰天子不親主婚故謂之

翁主翁儀服同列侯其尊崇者加號長公主儀服同藩

王諸王女皆封鄉亭翁主儀服同鄉亭侯漢書謂齊厲

主以紀氏所以列侯尚公主王吉日漢家列侯尚公主

生因以為號諸侯則國人承翁主使男

乾隆十二年校刊

帝系九

事女夫誦於婦逆陰諸公主家令門尉皆屬宗正又有

陽之位故多女亂主傳東方朔傳昭平君醉殺中府中府東方朔傳館陶公主

金帛之藏

太上皇女 昭哀后高帝姊初封宜夫人呂

高祖一女 魯元公主宣平侯張敖尚之孝惠時齊悼惠王尊為魯元太后

文帝二女 館陶長公主寶后生女文帝即位為館陶長公主師古曰年長故謂

長公主堂邑侯陳于尚之見寶后傳昌平公主周勃太子勝之

景帝三女 平陽公主王皇后長女本陽信長公主也為平陽侯曹壽所尚故稱平陽

公主壽有惡疾上乃詔衛青尚平陽主見青傳南宮公主王皇后次女隆慮公主

王后少女並見王皇后傳

武帝五女 鄂邑蓋長公主昭帝姊燕刺王傳云食邑

蓋侯王信師古曰信不取鄂夷安公主隆慮公主子

主為妻當是信子須侯充耳夷安公主昭平君尚見

東方朔傳衛長公主子外戚傳云子夫生三女長主衛太

朔傳邑公上五行志征和二年巫蠱事興帝女陽石公主

宣帝二女 館陶公主華健仔子女名施于敬武公主張

尚元帝令薛宣尚後王莽白太后賜藥死見宣傳

元帝三女 平陽公主儀昭平陽公主衛健仔女見穎

邑公主杜業尚

西漢和蕃公主

乾隆十二年校刊

漢書卷九十九 帝系九

高帝罷平城歸是時冒頓單于兵彊控弦四十萬騎數苦北邊上患之以問婁敬敬曰陛下誠能以適長公主妻單于厚奉遺之彼知漢女送厚蠻夷必慕以爲闕氏生子必爲太子代單于冒頓在固爲子婿死外孫爲單于豈曾聞外孫敢與大父抗禮哉可毋戰以漸臣也若陛下不能遣長公主而令宗室及後宮詐稱公主彼亦知不肯貴近無益也高帝曰善遣長公主呂后泣曰妾唯一太子一女柰何棄之匈奴上竟不能遣長公主而取家人子爲公主妻單于使敬往結和親約婁敬傳

孝惠二年以宗室女爲公主嫁匈奴單于本紀

匈奴老上單于初立文帝復遣宗人女翁主爲單于闕氏使宦者中行說傳翁主匈奴傳

孝景五年遣公主嫁匈奴單于本紀

孝武元封中烏孫昆莫使使獻馬願得尙漢公主爲昆弟天子問羣臣議許曰必先納聘然後遣女烏孫以馬千匹聘漢遣江都王建女細君爲公主以妻焉賜乘輿服御物爲備官屬宦官侍御數百人贈送甚盛昆莫以爲右夫人昆莫年老欲使其孫尙公主公主不聽上書言狀天子報從其國俗岑陬遂妻公主生一女少夭公主死漢復以楚王戊之孫解憂爲公主妻岑陬甘露三

年楚公主上書言年老思土願得歸骸骨葬漢地天子憫而迎之公主與烏孫男女三人俱來至京師時年且

七十賜田宅奴婢奉養甚厚朝見儀比公主西域傳

元帝竟寧元年匈奴呼韓邪單于復入朝自言願婿漢

氏以自親帝以後宮良家子王嬙字昭君賜單于單于

驩喜昭君寧胡闕氏生一男呼韓邪死株繫單于復妻

王昭君生二女長女為須卜居次小女為當子居次居次

者女之號若漢言公主也見匈奴傳

後漢制同前漢其後安帝姊妹亦封之長公主同之皇

女安帝姊妹清河孝王之女其皇女封公主者所生之子襲母封為

列侯皆傳國於後鄉亭之封則不可傳襲永初元年鄧太后封清河

孝王慶女十一人皆為鄉公主分食邑俸諸公主置家令一人東觀書曰其主薨無子置

傳一人守其家

南頓君三女 湖陽長公主黃 新野公主元適鄧晨

寧平長公主伯姬適李通

世祖五女 舞陽長公主義王適梁松 汧陽長公主

中禮適竇固 館陶公主紅夫適韓光 滴陽公主

禮劉適郭璜 酈邑公主綬一作綬適陰豐

顯宗十一女 獲嘉長公主姬適馮柱 平陽公主奴

適馮順 隆慮公主迎或作延適景襲 平氏公主次

乾隆十二年校刊

帝系九

六

不言所適史
關文後倣此
沁水公主致適鄧乾
平臯公主小姬

適鄧蕃
浚儀公主適王度
武平公主惠適來棧

魯陽公主臣
樂平公主小迎
成安公主小民

肅宗三女
武德長公主男
平邑公主王適馮由

陰安公主吉

和帝四女
修武長公主保
其邑公主成
臨潁公

主適賈建
聞喜公主興

順帝三女
舞陽長公主生
冠軍長公主成男
汝

陽長公主廣

桓帝三女
陽安長公主華延適伏全
潁陽長公主

堅
陽翟長公主修

靈帝一女
萬年公主某

魏制公主有家令僕丞行夜督郵

太祖女
清河長公主適夏侯楙
金鄉公主適何晏

文帝女
東鄉公主

明帝女
平原懿公主
早夭追封帝取甄皇后從孫黃之喪與主合葬追封黃列侯以

郭德嗣黃後封平
原侯襲公主爵
齊長公主適李韜
公主適

任愷

晉文帝女
常山公主適王濟
長廣公主適甄德

京兆公主

武帝女 榮陽公主適盧諶 繁昌公主適衛宣 襄

城公主適王敦 榮陽公主適盧恒 平陽公主

新豐公主 平陽公主 萬年公主 武安公主

惠帝女 臨海公主適曹統 河東公主 始平公主

哀獻皇女

元帝女 尋陽公主適王禕之 公主適荀羨

明帝女 南康公主適桓溫 南郡公主適羊賁 廬

陵公主適劉惔

簡文帝女 新安公主適王獻之

孝武帝女 晉陵公主適謝混 鄱陽公主適王偃

恭帝女 海鹽公主 富陽公主

宋公主有傳令傳令不得朱服

武帝女 會稽宣長公主適徐達之 宣城德公主適

周嶠 豫康長公主適徐喬 吳興公主適王偃

新安公主適王景深 安哀公主適褚湛之 義興

長公主 吳郡公主

文帝女 東陽獻公主適王僧綽 淮陽公主適江湛

新蔡長公主適何邁 潯陽公主適郗暕 臨川

長公主英媛適王藻 南郡獻公主適褚淵 廬江

公主適褚澄

孝武女 山陰公主適何戢 臨海公主適江敎 安
固公主適王志 臨汝公主適何敎 安吉公主適
蔡約 山陰公主楚玉 康樂公主修明 皇女楚
琇

明帝女 陽美公主適王儉 臨淮公主適王瑩 晉
陵公主伯姁 建安長公主伯媛

宋世諸主莫不嚴妬明帝每疾之湖熟令袁愔妻以
妬賜死使近臣虞通之撰妬婦記左光祿大夫江湛
孫敎當尙武帝女上乃使人爲敎作表讓婚曰伏承
詔旨當以臨海公主降嬪榮出望表恩加典外顧審

輜蔽伏用憂惶臣寒門悴族人凡質陋閭閻有對本
隔天姻如臣素流家貧業寡年近將冠皆以有室荆
釵布裙足得成禮每不自解無偶迄茲媒訪莫尋素
族弗問目惟門慶屢降公主天恩所覃庸及醜末懷
憂抱惕慮不獲免徵命所當果膺茲舉雖門忝宗榮
於臣非倖仰緣聖貸冒陳愚實自晉氏以來配尙王
姬者雖累經美胄極有名才至如王敦懾氣桓溫斂
威真長侔愚以求免子敬炙足以違禍王偃無仲都
之質而蹀雪於北階何瑀闕龍工之姿而投軀於深
井謝莊殆自害於矇叟殷仲幾不免於強鉏彼數人

者非無才意而勢屈於崇貴事隔於聞覽吞悲茹氣
無所逃訴制勒甚於僕隸防閑過於婢妾行來出入
人理之常當代賓客朋從之義而今掃轍息駕無闕
門之期廢筵抽席絕接對之理非惟交友離異乃亦
兄弟疎闊第令受酒肉之賜制以動靜監子待錢帛
之私節其言笑姆妯爭媚相勸以嚴尼媪競前相諂
以急第令必凡庸下才監子皆葭萌愚豎議舉止則
未閑是非聽言語則謬於虛實姆妯敢恃耆舊唯贊
妬忌尼媪自唱多知務檢口舌其間又有應答問訊
卜筮師母乃至殘餘飲食詰辯與語誰衣被故弊必

責頭領又出入之宜繁省難哀或進不獲前或入不
聽出不入則嫌於欲疎求出則疑有別意召必以三
晡爲期遣必以日出爲限夕不見晚魄朝不識曙星
至於夜步月而弄琴晝拱袂而披卷一生之內與此
長乖又聲影裁聞少婢奔迸裾袂向席則醜老叢來
左右整屣以疑寵見嫌賓客未冠以少容致斥禮有
列勝象有貫魚本無媢嫡之嫌豈有輕婦之誚今義
絕傍私虔恭正匹而每事必言無儀適設辭輒云輕
易臣又竊聞諸主聚集唯論夫族緩不足爲急者法
急則可爲緩者師更相扇誘本其恒意不可貸借固

實常辭或云野敗去或云人笑我雖云家事有甚王
憲發口所言恒同科律王藻雖復疆俚頗經學涉戲
笑之事遂爲寃魄褚駿憤用致天絕傷理害義難以
具聞夫螽斯之德實免克昌專妬之行有妨繁衍是
以尙主之門往往絕嗣駙馬之身通離釁咎以臣凡
弱何以克堪必將毀族淪門豈伊身肯前後嬰此其
人雖衆然皆患彰遐邇事隔天朝故吞言咽理無敢
論訴臣幸屬聖明矜照由道弘物以典處親以公臣
之鄙懷可得自盡如臣門分世荷殊榮足守前基便
預提拂清官顯位或由才升一叨婚戚咸成恩假是

以仰冒非宜披露丹實非惟止陳一已規全身願實
乃廣申諸門受患之切伏願天慈照察特賜蠲停使
雀燕微羣得保叢尉蠢物憐生自己彌篤若恩詔難
降披請不申便當刊膚剪髮投山竄海帝以此表遍
示諸主以諷切之并爲戲笑

按自王姬執婦道之風不見於後世後之公主皆
庸奴其夫晉人已有無事取官府之說至六朝而
其弊尤甚南史王誕傳載辭婚表雖戲笑之言然
亦當時事實也故錄於此

齊梁陳皆踵宋制

乾隆十二年校刊

帝系九

七

齊高帝女 義興獻公主適沈文和 臨海長公主適

王彬

武帝女 武康公主適徐演 長城公主適何敬容

明帝女 山陰公主適何况 錢塘公主適謝覽

梁武帝女 安吉公主適王實 長城公主適柳偃

永嘉公主適王銓 永興公主玉姚 永世公主玉

婉 永康公主玉環 臨安公主

簡文帝女 餘姚公主適王溥 南河公主適袁憲

溧陽公主 辱於侯景

元帝女 益昌公主

陳武帝女 永嗣公主適錢藏 帝卽位時主已卒追封

藏駙馬都尉侍中袁樞議曰昔王姬下降必適諸侯漢氏初列侯尚主自斯以後降嬪素族駙馬都尉置由漢武或以假諸功臣或以加於戚屬是以魏曹植表駙馬奉車取為一號齊職儀曰凡尚公主必拜駙馬都尉魏晉以來因為瞻準蓋以王姬之重庶姓之輕若不如其等級寧可合色而醕所以假駙馬之位乃崇於皇女也今公主早薨伉儷已絕既無禮數致疑何須駙馬之授按杜預尚晉宣帝第二女晉武踐祚而主已亡泰始中追贈公主元凱無復駙馬之號梁文帝女新安穆公主蚤薨天監初王氏無追拜之事遠近二例足以校明無勞此會稽穆公主適沈君授今宜追贈亭侯時議以為當

環

文帝女 信安公主適蔡凝 義興公主適錢肅 富

陽公主適柳盼

乾隆十二年校刊

帝系九

後魏公主有家令丞

道武曾引崔容講論漢書至婁敬說漢祖欲以魯元公主妻匈奴善之嗟嘆良久是以諸公主皆嫁於賓附之國朝臣子弟良族美彥不得尙焉

平陽公主薨石肇欲使公主家令居廬制服太常博士常景曰今王姬降適雖加爵命事非君邑理異列土何者諸王開國備立臣吏生有趨奉之勤死盡致喪之禮而公主家令唯有一人其丞以下命之屬官旣無接事之儀實闕爲臣之體原夫公主之貴所以立家令者蓋以主之內事脫須關外理無自達必也

因人然則家令唯通內外之職及典主家之事耳無關君臣之理名義之分也由是推之家令不得爲純臣公主不可爲正君明矣且女人之爲君男子之爲臣古禮所不載先朝所未議乃寢

道武女 華陰公主適閭大肥 濩澤公主

明元女 宜陽公主適穆逐留 武威公主適沮渠蒙

犍 上谷公主適乙懷 南安長公主適杜超

太武女 樂陵公主適穆壽 始平公主適赫連昌

博陵長公主適馮熙

景穆女 城陽公主適穆平國 長樂公主適穆正國

安樂公主適乙乾歸 高陽公主適萬振

文成女 濟北公主適穆伏干 河南公主適萬安國

上左公主適赫連宿石 西河公主適薛初古拔

武邑公主 建興公主 平陽長公主並適劉昶

新平長公主適穆羆 中山長公主適穆亮

獻文女 長城公主適穆真 瑯琊公主適穆紹 常

山公主適陸騰 趙郡公主適司馬躍 彭城長公

主初適劉承緒再適王肅 樂浪長公主適盧道裕

樂安長公主適馮誕

孝文女 淮陽公主適乙瑗 華陽公主適司馬肱

長樂公主適高猛 安樂公主 始平公主 淮王

長公主適乙弗瑗 章武長公主適穆泰 蘭陵長

公主適劉暉 南陽長公主適蕭寶寅 濟南長公

主適盧道虔 順陽長公主適馮穆

宣武女 建德公主適蕭烈 壽陽長公主適蕭贊

文帝女 金明公主適尉遲迴

北齊後周隋公主官屬皆如後魏制

齊神武女 太原長公主初爲魏孝靜皇帝后後再適

楊愔 東平長公主適可朱道元 公主適司

馬消難 浮陽長公主適李千學

文宣女 東安公主適段深 義寧公主適斛律武都

中山長公主適段寶鼎 公主適潘子晃

周文帝女 霍國公主適賀拔緯 襄樂公主適韋世

康 襄陽公主適竇毅 永富公主適史雄 順陽

公主適隋滕穆王楊瓚 西河長公主適劉昶 新

興公主適蘇威 字文護女

武帝女 清都公主適閻毗

隋文帝女 樂平公主為周天元帝后 蘭陵公主初

適王奉孝再適韋機

煬帝女 南陽公主適宇文士及

後魏以來和蕃公主

魏太武女 公主適氏主楊保宗 光化公主適

吐谷渾世伏 廣樂公主適吐谷渾夸呂 魏濟南王匡孫女

西海公主適蠕蠕主郁久閭吳提 化政公主 元翬女

蘭陵公主並適蠕蠕主郁久閭阿那懷 長樂公主

適突厥主阿史那土門

周千金公主 趙王招女 適突厥主阿史那他鉢

隋華容公主適高昌王伯雅 義安公主 宗女 適突厥可

汗突利 義成公主 宗女 適突厥可汗啟民

史稱魏道武採婁敬之說諸公主皆嫁於賓附之

乾隆十二年校刊

皇朝通志卷之三十一 帝系九

七

國朝臣良族子弟皆不得尙蓋聞大肥楊保宗之屬皆夷狄也似不必分別爲和蕃公主然聞大肥輩則部落之服屬而爲臣者也楊保宗輩則外國之未服屬而爲敵者也又國內之胡人所娶皆帝女而外國之君長所娶多宗女此又其所以不同也

唐制皇姑爲大長公主後亦謂之長長公主姊爲長公主女爲公

主皆封國視正一品太子女爲郡主封郡視從一品親

王女爲縣主正二品建中元年十二月出嫁岳陽等十

仁里目典兵以來廢而不修公郡縣主不時降嫁殆三十年凡皇族子弟皆散棄無位或流落他縣上卽位始

敘用枝屬以時婚嫁公族老幼莫不悲感及縣主將嫁小大之物必周其用貞元十五年勅駙馬郡縣主如

實無子准式養男並不得用母蔭會昌五年勅今後先

降嫁公主縣主如有兒女者並不再請從人如無兒者

陳奏委宗正寺處分而有妄稱凡諸王及公主皆以親

無輒請再從人者覺察處分爲尊皇之昆弟妹先拜於皇子上稱啟神龍初下詔革

之二年勅公主府設官屬鎮國太平公主儀比親王長

寧安寧唯不入置長史餘並同親王宜城新都定安金

城等公主非皇后生官員減半其金城公主以出降吐

蕃特置司馬景龍四年停公主府依舊邑司永淳前親

八百增至千輒止公主而不過二百而太平公主獨加

戶五十聖歷時進及三千戶預誅二張功增號鎮國與相王均封五千薛武二家皆食實封主與相王衛王成

王長寧樂安二公主給衛士環第十步一區持兵呵衛

乾隆十二年校刊

帝系九

十六

僭肖宮省神龍時與長寧樂安宜城新都定安金城凡七公主皆開府置官屬視親王安樂戶至三千長寧二千五百府不置長史宜城定唐乾元年六月勅公主置安非韋后所生戶止二千

府近有勅總停其太平公主有崇保社稷功其鎮國太

平公主府即宜依舊酸棗縣尉袁楚客奏記於中書令魏元忠曰女有內男有外男女有

別剛柔分矣中外斯隔陰陽著矣豈可相濫哉然而幕

府者大夫之職非婦人之事今諸公主並開建府僚崇

置官秩若以女家處男職所謂長陰而抑陽也而望陰

陽不僭風雨無爽其可乎竊謂非致遠之計乖久安之

策書曰事不師古以克永世匪說攸聞此之謂也君侯罔正而誰正之哉開元四年三月制

諸封國自始封至曾孫者其封戶三分減一十年加永

穆公主封千戶初永穆等各封五百戶左右以為太薄上曰夫百姓租賦者非吾有也斯皆宗

廟社稷蒼生是為爾邊隅戰士出萬死不顧一生所賞

賜纔不過一二十疋此輩何功於人頓食厚封約之使

之儉嗇不亦可乎左右以長公主皆二千戶請與比上

曰吾嘗讀後漢書見明帝曰朕子不敢望先帝子車服

下之吾未嘗不廢卷歎息如何欲令此輩望長公主乎

左右不敢復言至是公主等車服不給故加焉自後公

主皆封千戶凡諸王及公主以下所食封邑皆以課戶

遂成其例充州縣與國官邑官共執文帳准其戶數收其租調均

為三分其一入官其二入國公主所食邑則全給焉二

十年五月勅諸食邑實封並以三丁為限不須一分入

官其物仍令封隨庸調送入京凡公主封有以國名

者鄔國代國霍國是也有以郡名者平陽宣陽東陽是

也有以美名者太平安樂長寧是也唯元宗之女皆以

世祖一女 同安公主適王裕

高祖十九女 長河公主適馮少師 襄陽公主適竇

誕 平陽昭公主適柴紹 主及柴紹起兵佐高祖取長安武德六年薨葬加前

後部羽葆鼓吹大路麾幢虎賁甲卒班太常議婦葬古無鼓吹帝曰鼓吹軍樂也往者主身執金鼓參佐

命於古有邪宜用之 高密公主初適長孫孝政再適段倫 長

廣公主適趙慈景 長河公主適豆盧懷讓 房陵

公主初適竇奉節再適賀蘭僧伽 九江公主適執

失思力 廬江公主適喬師望 南昌公主適蘇勗

安平公主適楊思敬 淮南公主適封道言 真

定公主適崔恭禮 衡陽公主適阿史那社爾 丹

陽公主適薛萬徹 臨海公主適裴師律 館陶公

主適崔宣慶 常樂公主適趙瓌 安定公主初適

温挺再適鄭敬言

太宗二十一女 襄城公主初適蕭鏡再適姜簡 主性

動循矩法帝勅諸公主視爲法有司告營別第辭曰婦事舅姑如事父母異宮則定省闕止葺故第門列

雙戟而已 南平公主初適王敬直再適劉元意 敬直王珪

公主下嫁未嘗行見舅姑禮珪曰主上循法度吾當受公主謁見豈爲身榮將以成家國之美於是與夫

人坐堂上主執筭盥饋乃退後 遂安公主初適竇達

再適王大禮 豫章公主適唐義識 長樂公主適

長孫冲 帝以主長孫后所生勅有司裝賫倍長公主魏徵曰昔漢明帝封諸主言朕子安得同先

乾隆十二年校刊

文獻通考卷三百九 帝系九

帝子然則長公主尊公主矣制有差等豈可北景公
越乎帝以語后后贊徵勸帝從之乃賞徵

主適柴令武 普安公主適史仁表 東陽公主適

高履行 臨川公主適周道務 清河公主適程懷

亮 蘭陵公主適竇懷哲 晉陽公主初適韋思安

再適楊仁輅 安康公主適獨孤諶 新興公主適

長孫犧 城陽公主初適杜荷再適薛瓘 合浦公

主適房遺愛 汝南公主早卒 金山公主早卒

晉陽公主早卒 常山公主早卒 新城公主初適

長孫詮再適韋正矩

高宗三女 義陽公主適權毅 高安公主適王勗

太平公主初適薛紹再適武攸暨

中宗八女 新都公主適武延暉 宣城公主適裴巽

安定公主初適王同皎再適韋濯三適崔銑 長

寧公主初適楊慎父再適蘇彥伯 永壽公主適韋

鍼 永泰公主適武延基 安樂公主初適武崇訓

再適武延秀 成安公主適韋捷

睿宗十一女 壽昌公主適崔真 安興昭懷公主早

卒 荆山公主適薛伯陽 淮陽公主適王成慶

代國公主適鄭萬鈞 涼國公主適薛伯陽 薛國

公主初適王守一再適裴巽 鄖國公主初適薛儼

再適鄭孝義 金仙公主 玉真公主皆入道不嫁
霍邑公主適裴虛已

元宗二十九女 永穆公主適王繇 常芬公主適張

去奢 孝昌公主 靈昌公主 上仙公主 懷思

公主 普康公主 宜春公主 並早卒 唐昌公主適薛

鏞 萬安公主不嫁爲道士 常山公主初適薛譚

再適竇澤 晉國公主適崔惠童 新昌公主適蕭

衡 臨晉公主適郭潛曜 衛國公主初適豆盧建

再適楊說 信成公主適獨孤明 楚國公主適吳

澄江 昌樂公主適竇諤 永寧公主適裴齊邱

真陽公主初適源清再適蘇震 宋國公主初適温

西華再適楊徽 咸宜公主初適楊洄再適崔高

齊國公主初適張垺再適裴穎三適楊敷 太華公

主適楊琦 壽昌公主適郭液 樂昌公主適蘇履

謙 壽安公主適蘇發 廣寧公主初適程昌允再

適蘇克貞 萬春公主初適楊肅再適楊琦 新平

公主初適裴珍再適姜慶初

肅宗七女 宿國公主適豆盧湛 肅國公主初適鄭

巽再適薛康衡三適回紇英武威遠可汗 和政公

主適柳潭 郟國公主適張清 紀國公主適鄭沛

永和公主適王診 郃國公主初適裴徽再適蕭升

代宗十八女 永清公主適裴倣 齊國昭懿公主適

郭曖 靈仙公主 真定公主 玉清公主 太和

公主 玉虛公主 西平公主 章寧公主 並早華

陽公主入道不嫁 嘉豐公主適高怡 普寧公主

適吳士廣 長林公主適沈明貞 貞元二年具冊德宗不御正殿不設

樂遂為故事 晉陽公主適裴液 趙國莊懿公主初適封

武清再適田緒 德宗幸望春亭臨餞厭翟不可乘以金根車代之公主出降乘金根車自

始 義清公主適柳杲 壽昌公主適竇克良 新都

公主適田華

德宗十一女 韓國貞穆公主 普寧公主 義川公

主 晉平公主 並早卒 魏國憲穆公主適王士 鄭國

莊穆公主適張茂宗 臨真公主適薛釗 永陽公

主適崔謹 文安公主入道不嫁 宜都公主適柳

昱 燕國襄穆公主適回紇武義成功可汗

順宗十一女 漢陽公主適郭鏜 梁國恭靖公主適

鄭何 東陽公主適崔杞 西河公主適沈翬 雲

安公主適劉士涇 襄王公主適張克禮 潯陽公

主 平恩公主 邵陽公主 並為道士 臨汝公主 早號國

公主適王承系

憲宗十八女 梁國惠康公主適于季友 永嘉公主

永寧公主 俱為道士 衡陽公主 普康公主 義寧公

主 貴卿公主 俱早卒 宣城公主適沈熾 鄭國温儀

公主適韋讓 岐陽莊淑公主適杜侗 開成二年勅駙馬當為公

主服三年頗乖典法自此準禮夫婦齊服縗杖周時岐陽公主既薨駙馬杜侗因禮文不為重服時論推

美故有是詔 陳留公主適裴損 真寧公主適薛翊 南

康公主適沈汾 臨真公主適衛洙 真源公主適

杜中立 永順公主適劉弘景 安平公主適劉異

永安公主入道不嫁 定安公主適回鶻可汗

穆宗八女 義豐公主適韋處仁 會昌五年中書門下奏伏見公主上表稱

妾李者伏以臣妾之義取其賤稱家人之禮宜即區別臣等商量公主上表請如長公主例並云某邑公主第幾女上表郡縣主亦望依此例從之 淮陽公主適柳正元 延安公

主適竇澣 金堂公主適郭仲恭 清源公主 早饒

陽公主適柳仲詞 義昌公主 安康公主 俱不嫁為道士

敬宗三女 永興公主 天長公主 寧國公主

文宗四女 興唐公主 西平公主 朗寧公主 化

光公主

武宗七女 昌樂公主 壽春公主 長寧公主 延

慶公主 靜樂公主 樂温公主 永清公主

宣宗十一女 萬壽公主適鄭顥 永福公主 齊國

恭懷公主適嚴祁 廣德公主適于琮 義和公主

饒安公主 盛唐公主 平原公主 唐陽公主

許昌公主適柳陟 豐陽公主

懿宗八女 衛國文懿公主適韋保衡 安化公主

普康公主 昌元公主 昌寧公主 金華公主

仁壽公主 永壽公主

僖宗二女 唐興公主 永平公主

昭宗十一女 新安公主 平原公主適李繼侁 益

昌公主 唐興公主 德清公主 大康公主 永

明公主 新興公主 普安公主 樂平公主

唐開元禮

冊公主及公主出降儀

冊公主

前一日尙書奉御設御幄於太極殿如常守宮設羣官
次於東西朝堂奉禮設版位太樂令展宮懸典儀設舉
麾位如常又設文武羣官版位五品以上於橫街北六
品以下於橫街南文武西俱重行諸親於五品之南
皇親在東設典儀位如常儀贊者二人在南少退俱西
諸親在西
向冊使立於懸北西上俱北面副使立於大使東其日

諸衛屯門列仗如常冊使羣官等依時刻集朝堂次改服朝服通事舍人各引就朝堂位侍中量時刻版奏請中嚴鈸戟近仗入陳於殿庭太樂令帥工人入就位協律郎入就舉麾位典儀帥贊者先入就位諸守衛之官各服其器服符寶郎先請寶俱詣閣奉迎通事舍人分引王公羣官入就位又通事舍人引冊使並入立於殿門外道東西面以俟黃門侍郎帥主節奉節及幡立於階仗南節在前中書侍郎先請冊置於案令史降公服各對舉案立於節南道東西面中書侍郎立於案後侍中版奏外辦所由承旨索扇扇上皇帝服通天冠絳紗

袍御輿以出曲直華蓋警蹕侍衛如常皇帝出自西房卽御座南向坐扇開協律郎偃麾戛鼓樂作符寶郎奉寶置於御座典儀贊拜羣官在位者俱再拜訖通事舍人引冊使入就位冊使等初入門舒和之樂作至位樂止立定典儀曰再拜贊者承傳冊使等皆再拜侍中進當御座前北面跪奏稱侍中臣某言冊公主請命使俛伏興又侍中少前稱制曰可退復位侍中承制降諸使者北面稱有制冊使副等俱再拜侍中宣制曰冊某公主命公等持節展禮宣制訖使副等又再拜侍中還侍位贊禮者引冊使少前黃門侍郎引主節詣冊使東北

主節以節授黃門侍郎主節者後黃門侍郎持節西南

授冊使跪受與付主節幡隨節立於使左黃門侍郎退

贊禮者導中書令詣冊使東北面立又贊禮者導中書

侍郎引諸公主冊案立於中書令之右中書令於案取

公主冊舉案者皆由後立授冊使冊使跪受與置於案

持案者退立於贊禮者引中書令與冊使俱向北退復

使後以後準此

位典儀曰再拜訖通事舍人引冊使等右旋而出持節

者前導持案者次之冊使等初行樂作出門樂止侍中

前跪奏稱侍中臣某言禮畢俛伏興還侍中位所由承

旨索扇扇上皇帝興太樂令令撞蕤賓之鐘右五鐘皆

應鼓祝奏太和之樂皇帝降座御輿入自東房侍衛警

蹕如來儀侍臣從至閣扇開樂止通事舍人引羣臣在

位者以次出舉冊者及冊使至長樂門外次如後儀

公主受冊

尚儀二人讀冊司贊二人引公掌贊二人知贊女史四

人對舉冊案前一日尚舍守宮計會設使者及冊案便次於

光範門及長樂門外皆道右東向司贊設公主位於長

樂門外內殿前近南當階北面西上又設內命婦應陪

位者位於公主東北及西北嬪御者在東宮官等在西

階重行相對北上又於內命婦之前設尚儀位二皆東

乾隆十二年校刊

向以西爲上又於尙儀位南少退設司贊位掌贊二人陪其後其日典儀設冊使位於長樂門外之西東向北上又設舉冊案者位二在南差退東向內謁者監先取公主冊案置於長樂門外近限內命婦以下及應在位者並服禮衣先就位公主花釵翟衣司言引就受冊位侍從如常儀通事舍人引冊使副使等出就位持節者立於侍者之北少退持冊案者立於冊使副西南俱東向持節者去節衣持冊案者以案進冊使之前北向相次而立內使二人引使者詣門內謁者舉案少前使取公主冊冊置於案俛伏興通事舍人引冊使副使等俱

進就次以俟尙儀率女史詣門昇冊案入各就尙儀之前對舉冊案皆東向司贊曰再拜凡司贊有詞掌贊皆承傳司言贊公主再拜尙儀取公主冊於案持案者退少前北面稱有制

衍司言贊公主再拜尙儀執冊跪讀訖退復位以冊進授公主公主受冊以授司言訖司贊曰再拜公主再拜在位皆再拜司贊少前稱禮畢司言引公主退在位以次退掌贊報內謁者監禮畢內謁者監傳報冊使等詣太極殿前南橫街南北面西上立中書令立於冊使等東北西面冊使再拜復命曰奉制冊命某公主禮畢又再拜中書令奏聞冊使等退幡節各還本司

納采

前一日主人設侍者次於大門之外道右南向其納吉

期親迎等其日大昕使者至於主人大門外贊禮者延

入次凡賓主及行事者皆公服使者出次贊禮者引至於大門外之

西東面主人立於東階下西面儻者立於主人之左北

面受命出立於門東西面曰敢請事使者曰朝恩貺室

於某公之子某公有先人之禮使某也請納采儻者入

告主人曰寡人敢不敬從儻者出告掌畜者以雁授使

者其餘並如一品婚儀

問名

使者既出至主人還阼階上西面曰皇帝第某女封某

公主餘行事並如一品婚儀其禮使者戶牖之間贈之

事故至於寡人之室寡人有先皇之禮請禮從者

納吉

其日大昕使者至請事使者曰加諸卜占曰吉使某也

某也敢告主人曰某公有吉寡人與在焉寡人不敢辭

餘如納采之儀

納徵

其日大昕使者至入次掌事者布幕於內門外元纁束

帛陳於幕上乘馬在幕南北首西上掌事者璋以匱俟

乾隆十二年校刊

於幕東使者曰朝恩貺室於某公之子某公有先人之禮使某也以束帛乘馬請納徵主人曰某公順先典貺以重禮寡人敢不承命餘並如一品婚儀

請期

其日大昕使者至入次至請事使者曰某公有賜旣申受命某公使某請吉日儻者入告主人曰寡人旣受前命惟命是聽使者曰某公命某聽命於王儻者入告主人曰寡人固惟命是聽使者曰某公使某受命於王王不許某敢不告期曰某日餘並如一品婚儀

親迎

其日大昕婿之父告廟醮子並如一品婚儀子再拜降出乘輅備儀仗詣主人之第賓將至內贊者布席於東房當戶南向設罇甒醴等於東房主人醴公主如一品醴女之儀公主著花釵褕翟纁褊入房以下並如一品醴女儀訖主人降立於東階東南西面贊禮引賓出次立於門西東面儻者進受命出門東面曰敢請賓曰某王命某之父以茲初婚命某將請承命儻者入告主人曰寡人固敬具以請至奠雁出如常禮初賓入門主婦出立於房中外之西南面於賓拜訖姆導公主出主人少進西面戒之如有正焉若衣若花命之曰戒之敬之

夙夜無違命主婦戒之於西階上施衿結帨戒之曰勉之敬之夙夜無違公主出以下並如常儀

同牢

初婚掌事者設洗於東階東南及陳設牢饌鉶俎之數各依其品羊豕節折大羹在於爨其器皆明烏漆惟甒以陶甒以瓢餘並如一品儀

見舅姑

見之日公主夙興沐浴著花釵服褕翟舅服公服姑著鈿釵禮衣其儀同一品婚禮公主降西階以出無取脯授婦氏之儀

盥饋舅姑

公主盥饋以少牢舅姑公主服如見禮及醕舅姑訖內贊者設公主席於舅姑席東北南面餘並如一品禮

婚會

婦人禮儀

以上並如一品婚儀

饗丈夫送者

同一品儀加送以乘馬設從者乃於西廊下

饗婦人送者

女相者引賓升降酬以束帛餘如丈夫禮

唐和蕃公主

弘化 宗室女貞觀時降吐蕃贊普弄贊命禮部

尚書江夏王道宗送之弄贊親迎河源見主人執子

我祖父未有通婚大國者今我得尚大唐公主當築

一城以誇示後世乃遣會豪子弟請入國學習詩書

從金城 雍王守禮女神龍 寧國 肅宗女乾元時降回

公主府二年自蕃還 永樂 宗室女開元時適契

五年罷府置邑司 丹於鄭郡王李失活 燕郡

餘姚公主女慕容氏開元時 固安 從外甥女辛氏開

降契丹松羅郡王李鬱於焉 固安 元時降奚首領李

大輔後大輔戮死立李弟魯蘇為主仍尚 東光 咸寧

主魯蘇牙官謀歸突厥主殺之以功被賞 和義 宗室

韋氏降奚 交河 十姓可汗史懷道女開元 和義 宗室

首領魯蘇 交河 時降突厥騎施可汗蘇魯 和義 宗室

寶時降寧 靜樂 外孫獨孤氏天寶時降松 宜芳 外甥

國奉化王 靜樂 漢都督懷順王李懷節 宜芳 女楊

少帝女 壽春公主 壽昌公主

後唐武帝女 瓊華長公主適孟知祥 瑤英公主適

張延釗

明宗女 永寧公主適晉高祖 興平公主適趙延壽

壽安公主 永樂公主

晉高祖女 長安公主適楊承祚

乾隆十二年校刊

帝系九

三

漢高祖女 永寧公主適宋延渥

周太祖女 樂安公主 壽安公主適張承德 永寧

公主

宋太祖六女 三長女不及封 秦國長公主適王承

衍 晉國大長公主適石保吉 許國長公主適魏

成信

宋初之制初被選尚者即拜駙馬都尉賜玉帶襲衣銀鞍勒馬綵羅百疋謂之繫親又賜其家銀萬兩令辦聘財之數倍於親王聘妃出降賜甲第餘如諸王夫人之制而扇加四引障花燭籠各加十

太宗七女 長不及封 燕國長公主適吳元辰 曹

國長公主 中國大長公主 皆出家為尼 晉國大長公主

適柴宗慶 鄧國長公主適王貽永 齊國大長公

主適李遵勉 舊制選尚者降其父為兄弟行事時遵勉父繼昌尚無恙主因誕日以舊禮謁

繼昌帝聞而嘉之賜金幣

真宗二女 長不及封 次及幼入道 亦早薨

仁宗十三女 周陳國公主適李瑋 周國公主 漢

國公主 秦國公主 魏國公主 魯國公主 吳

國公主 燕國公主 楚國公主 皆早夭 兗國公主適

曹詩 秦魯國大長公主適錢景臻 至紹興十年始薨 慶壽

寶壽二公主史不言所適

公主冊禮嘉祐二年儀注前一日有司設冊使副幕次於內東門外又設內命婦次於公主受冊印本位門外又設公主受冊印位於本位庭階下北向又設冊使位於內東門副使及內給事於其南差退並東向北上又設冊印案位於冊使前南向又設內給事位於冊使北南向其日自文德殿奉冊印將至內給事詣本位諸公主服首飾褕翟冊印至內東門外褥位置訖內臣引內命婦俱入就位禮直官引冊使副俱立東向位內給事前東向躬稱冊使王堯臣副使田况奉制授公主冊印

退復內給事入詣所設冊印本位公主前言訖退內給事進詣冊使前面使跪以冊印授內給事內給事亦跪以授內謁者冊使退復內謁者及主當內臣持冊印入內東門內給事從入詣本位庭又內給事贊公主降立庭中北向位跪取冊興立於公主之右少前西向又內給事立於公主之左少前東向又內給事稱有制內給事贊公主再拜內給事奉冊跪授公主公主受以授內給事奉印亦然復贊再拜前引公主升位以次內臣引內命婦賀內給事贊言禮畢內命婦退遂引公主謝皇帝皇后冊印如貴妃文曰堯國公主之印

皆有匣

公主出降嘉祐二年禮官言禮閣新儀公主出降前一日行五禮古者結婚始用行人告以夫家采擇之意謂之納采問女之名歸卜夫廟吉以告女家謂之問名納吉今選尙一出朝廷不待納采又公主封爵已行誕告不得問名而卜之若納成則既有進財請期則有司擇日宜稍依五禮之名存其物數俾知古者婚姻之事重而夫婦之際嚴如此亦不忘古禮之義也時兗國公主下嫁李璋詔俟出降日今夫家主婚者具合用雁帛玉馬等物陳於內東門外以授內謁者進入內中付掌事者受之其馬不入

英宗四女 舒國公主 早魏楚國公主 適王師約 魏

國長公主 適王詵 韓魏國大長公主 適張敦禮

神宗十女 吳國 鄆國 潞國 邢國 邠國 兗

國 六主皆天 周國淑懷公主 早唐國賢穆公主 適韓嘉彥

潭國賢孝公主 適王遇 徐國賢靜公主 適潘意

哲宗四女 鄧國楊國二公主 早世 秦國公主 適潘正夫

陳國公主 適石端禮

徽宗三十四女 嘉德帝姬 適曹夔 榮德帝姬 適曹

晟 順淑帝姬 早 安德帝姬 適宋邦光 茂德帝姬

適蔡儵 壽淑帝姬 早 慧淑帝姬 永淑帝姬 並早

崇德帝姬適曹湜 康淑帝姬 榮淑帝姬 保淑

帝姬並早亡 成德帝姬適向子房 旬德帝姬適田丕

悼穆帝姬 熙淑帝姬 敦淑帝姬並早亡 顯德帝

姬適劉文彥 順德帝姬適向子辰 申福帝姬

保福帝姬 賢福帝姬 仁福帝姬並早亡 柔福帝姬

寧福帝姬 和福帝姬 永福帝姬 惠福帝姬

令福帝姬 華福帝姬 慶福帝姬 儀福帝姬

純福帝姬 恭福帝姬並未及選尚從北狩歿於虜中

四朝國史傳史臣曰國朝帝女封公主沿襲漢唐或以美名或以國姊妹曰長公主諸姑曰大長公主至

祖姑則或加兩國政和三年蔡京為相建議以為不

典始改為帝姬以二字易國名四字易兩國各自祖

宗以降數十女皆追加封冊至中興時始復初故今

所書但乃舊式唯徽宗諸主乃從一時之制云

帝姬降嫁儀納采問名納吉請期婿家具禮物並用雁納

成用玉幣等修表如儀前期太史局擇日差官奏告景靈東

西宮親迎前一日所司於東門外量地之宜西向設婿

次其日大昕婿之父服其服告於禰廟曰無廟者行廳事東閣設神

位 天子降女於某名婿以某日親迎敢告再拜子將行父

醮子於廳事贊者設父位於中間南向設子位於父位

之西近南東向父卽座子公服升自西階進立於位前
贊者注酒於醖西向授子子再拜跪受贊者又奉饌設
於位前子舉酒興卽座飲食訖降再拜贊禮者引立於
父位前父命之曰往迎肅雍以昭惠宗祏子再拜曰祇
率嚴命又再拜降出乘馬至東華門內下馬禮直官引
就次有司陳帝姬鹵簿儀仗於內東門外俟帝姬將升
厭翟車禮直官引婿出次立於內東門外躬身西向掌
事者以雁陳於前內謁者奏雁以進俟帝姬升車訖婿
再拜先還第同牢其日初婚掌事者設巾洗各二一於
東階東南一於室之北水在洗東尊於室中實四爵兩

盃於篚

爵盃以常用酒器代之

婿至本第下馬以俟帝姬至降車
贊者引婿揖帝姬以入及寢門又揖婿導帝姬升降入
室盥洗掌事者布對位婿揖帝姬皆卽座受醖三飲婿
及帝姬俱興再拜訖贊者徹酒見舅姑夙興帝姬著花
釵服綸翟以俟見贊者設舅姑位於堂上東西相向舅
位於東姑位於西舅姑服其服俱就位後立女相者引
帝姬升自西階詣舅位前再拜訖贊者以棗桌授帝姬
帝姬奉棗桌置於舅位前舅卽座贊者進徹以東帝姬
退復位又再拜女相者又引帝姬詣姑位前再拜訖贊
者以殿脩授帝姬帝姬奉殿脩置於姑位前姑卽座贊

者受以東帝姬退復位又再拜次醴婦盥饋饗婦如儀
五年五月嘉德帝姬下嫁曹夤詔用新儀行盥饋之禮
皇后宮闈送至第外命婦免從重和五年十一月蔡京
請免茂德帝姬下降見舅姑行盥饋之禮詔不允又詔
神考治平間親灑宸翰以王姬下降躬行舅姑禮革去
歷代沿習之幣以成婦道以風天下於是崇寧大觀以
來詔有司講求典禮繼頒五禮新儀著爲永法近聞徒
有奉行之名而舅姑既不端坐返有下拜之禮甚失本
意可自今帝姬下降恪遵新儀

中興國史傳論曰右三十四帝姬早亡者十四人餘

皆北遷獨恭福帝姬生才周晬虜不知故不行建炎
三年薨封隋國公主安德帝姬有遺女一人後適嗣
秀王伯圭封秦國夫人榮德帝姬至燕京駙馬曹晟
卒改適習古國王紹興中有商人妻易氏者在劉超
軍中見內人言宮禁事遂自稱榮德帝姬鎮撫使解
潛送至行在遣內夫人驗之言其詐遂付大理寺獄
成詔杖死又有開封尼李靜善者內人言其貌似柔
福靜善卽僞稱之蘄州兵馬鈐轄韓世清送至行在
遣內侍馮益等驗視爲所欺遂封福國長公主出適
永州防禦使高世榮其後內人從顯仁太后歸言其

妄送法寺治之內侍李諤自北還又言柔福在五國城適徐還而薨靜善遂伏誅柔福之薨也在紹興十一年從梓宮來者以其骨至葬之追封和國長公主

孝宗二女 嘉國公主 次女俱早世

光宗三女 文安公主 和政公主 齊安公主俱早世

寧宗一女 祁國公主早世

文獻通考卷第二百五十八

文獻通考卷第二百五十九

鄱 陽 馬 端 臨 貴 與 著

帝系考十

皇族

黃帝二十五子其得姓者一十四人

國語司空季子曰同姓為兄弟黃帝之子二十五人

其同姓者二人而已唯青陽與夷鼓皆為已姓此二人相

與同德故俱為已姓青陽方雷氏之甥也夷鼓彤魚

青陽金天氏帝少皞之甥也方雷西陵氏之祖姓彤魚國各帝系曰黃帝

日甥聲雷其同生而異姓者四母之別為十二姓凡

黃帝之子二十五宗唐尚書曰繼別為小宗非也繼別為大宗別之庶孫乃為小宗

耳其得姓者一十四人為十二姓得姓以德居官而初賜之姓謂十四

人而十二人為姬三姬酉祁已滕箴任荀僖佶儀依人而已故十二姓

是也唯青陽與蒼林氏同於黃帝故皆為姬姓五宗

唯青陽與蒼林德及黃帝同姓為姬也同德之難也如是言德自帝同

哉是

昔高陽氏有才子八人高陽氏顓頊之號八人其苗裔蒼舒隤斨檮戠

大臨龍降庭堅仲容叔達此即垂益禹臯陶之倫庭堅即臯陶字隤徒圃反斨音桃戠以善

反一音五圃反韋昭音瑰檮直曲反韋昭音桃戠以善反漢書作戠韋昭已震反龍莫江反降下江反陶音遙

齊聖廣淵明允篤誠天下之民謂之八愷齊中也淵深也允信也篤

厚也愷和也愷開在反高辛氏有才子八人高辛氏帝嚳之號八人亦其苗裔嚳苦毒

反伯奮仲堪叔獻季仲伯虎仲熊叔豹季狸此即稷契朱虎熊羆

之倫奮甫問反熊音維狸力之反契息列反依字當作偃古文作高羆彼皮反忠肅共懿宣慈

惠和天下之民謂之八元肅敬也懿美也宣徧也元善也徧音遍此十六

族也世濟其美不隕其名濟成也隕墜也頻反以至於堯

堯不能舉舜臣堯舉八愷使主后土后土地官禹作司空平水土即主地

之以揆百事莫不時序地平天成揆度也成亦平舉八

元使布五教於四方契作司徒五教在寬父義母慈兄

友弟共子孝內平外成內諸夏外夷狄夏戶雅反昔帝鴻氏有不才

子帝鴻黃帝掩義隱賊好行凶德醜類惡物頑嚚不友是與

比周醜亦惡也比近也周密也好呼報反嚚魚已反心

志反天下之民謂之渾敦謂驩兜渾敦不開通之貌渾戶

侯反少皞有不才子少皞金天氏之號次黃帝毀信廢忠

崇飾惡言靖譖庸回服讒蒐慝以誣盛德崇聚也靖安

邪也服行也蒐隱也慝惡也盛德賢天下之民謂之窮

奇謂共工其行窮其好奇奇其宜顓頊氏有不才子不

可教訓不知話言話善也話告之則頑德義不舍之則

嚚不道忠信傲狠明德以亂天常天下之民謂之禱杙

謂蘇禱杙頑凶無儔匹之貌傲五報反狠此三族也世

濟其凶憎其惡名以至於堯堯不能去方以宣公比堯

堯亦不能去須賢臣而除縉雲氏有不才子縉雲黃帝

貪於飲食冒於貨賂侵欲崇侈不可盈厭聚歛積實不

知紀極不分孤寡不恤貧匱冒亦貪也盈滿也實財天

下之民以比三凶非帝王之子孫謂之饕餮貪財為饕

饕餮他刀反舜臣堯為堯賓於四門闢四門達四聰以賓

本亦作窻七工反流四凶族案四凶罪狀渾敦窮奇禱杙饕餮

投諸四夷以禦魑魅投棄也裔遠也放之四遠使當魑

害者也禦魚呂反山神獸形魅亡備是以堯崩而天下

如同一心戴舜以為天子以其舉十六相去四凶也

按八愷出自高陽八元出自高辛驩兜出自帝鴻

共工出自少皞，鯀出自顓頊，皆黃帝之裔也。雖賢否不同，而皆以帝王者子孫為顯官於唐虞之世。蓋古之仕者世祿，而五帝三代之世系未有不出自黃帝者。故敘此段以備唐虞以來公族世系之本末云。

周武王克商，光有天下，兄弟之國十有五人，姬姓之國四十人。

傳富辰曰：昔周公弔二叔之不成，故封建親戚以蕃

屏周。

弔，傷也。戚，同也。周公傷夏殷之叔世，疏其親戚，以至滅亡，故廣封其兄弟。

管、蔡、郕、霍

魯、衛、毛、聃、郛、雍、曹、滕、畢、原、鄆、郇、文之昭也。

十六國皆文王子。

邠、晉、應、韓、武之穆也。

四國皆武王子。

凡蔣、邢、茅、胙、祭，周公之

允也。

禮記文王世子：庶子之正於公族者，教之以孝悌睦友。

孝愛明父子之義，長幼之序。

正者，政也。庶子，司馬之屬。掌國子之倅，為政於公族。

者。

其朝於公，內朝則東面北上，上臣有貴者以齒。

內朝，路寢庭。

其在外朝，則以官司士為之。

外朝，路寢門之外。庭，司士亦司馬之屬也。掌羣臣之

班正朝儀之位也。

其在宗廟之中，則如外朝之位。宗人授事以

爵以官。

宗人，掌禮及宗廟也。以爵貴賤異位也。以官官各有所掌也。若司徒奉牛，司馬奉羊，司空奉豕。

其登餼獻受爵，則以上嗣。

上嗣，君之適長子。以特牲饋食禮言之。受爵謂上嗣舉奠

也。獻謂舉奠洗爵酌入也。餼謂宗人遣舉奠。庶子治之。盥祝命之餼也。大夫之嗣無此禮。辟君也。

乾隆十二年校刊

帝系十

雖有三命不踰父兄治之治公族之禮也唯於內朝則然其餘會聚之事則與庶姓同一

命齒於鄉里再命齒於公族三命不齒不齒者特為位不在父兄行列中其公大事則以其

喪服之精粗為序雖於公族之喪亦如之以次主人謂死喪也其為君雖皆斬衰序之必以本親也主人主喪者次主人者恒在上主人雖有父兄猶不得下

齒若公與族燕則異姓為賓同宗無相膳宰為主人燕

不獻公與父兄齒親親族食降一等親者稠疏者希其稠直由反密也

在軍則守於公禰謂從軍者公禰行以公若有出疆之

政謂朝覲庶子以公族之無事者守於公宮正室守於

太廟正室適子也太廟太祖之廟也諸父守貴宮貴室謂守路寢守貴室本或作守貴

室宮貴諸子諸孫守下宮下室下宮親廟也下室燕寢五

廟之孫祖廟未毀雖為庶人冠娶妻必告死必赴練祥

則告赴告於君也實四廟孫而言族之相為也宜弔不

弔宜免不免有司罰之弔謂六世以至於贈賻承含皆

有正焉承讀為贈聲之誤也正正禮也贈芳鳳反下同

含遂皆贈喪之物也車馬曰贈布帛曰賻又作含賻賻

珠玉曰含衣服曰遂總謂之贈賻猶送也公族其有死

罪則磬於甸人不於市朝者隱之也甸人掌郊野之宮

智其刑罪則織剗亦告於甸人織讀為殲殲刺也剗剗

刀鋸刺割人體也告讀為鞠讀書用法曰鞠織依注音

剗止免反徐子兼反注本或作織者是以依徐音而改也

反下同贖頻忍反徐扶忍反刺魚器反鋸徐音據公族

無宮刑宮割獄成有司讞於公其死罪則曰某之罪在

大辟其刑罪則曰某之罪在小辟成平也讞之言曰公

曰宥之宥寬也欲寬其罪出於刑也有司又曰在辟公又曰宥之復

也有司又曰在辟及三宥不對走出致刑於甸人也對答

者君每言宥則答之以將更寬之至於三公又使人追

罪定不復答走往刑之為君之恩無已罪既正不可宥乃

之曰雖然必赦之有司對曰無及也欲赦之重刑殺其

類反命於公刑殺公素服不舉為之變如其倫之喪無

服素服於凶事為吉於吉事為凶非喪服也君雖不服

於士蓋疑於同姓則皮弁錫衰以居往弔之當事則弁經

不往弔也倫謂親疎之比也素服亦皮弁矣親哭之往

弔為位哭之而已公族朝於內朝內親也雖有貴者

君於臣使司哭之外朝以官體異姓也體猶連宗

以齒明父子也謂以宗族事會

廟之中以爵為位崇德也崇高也宗人授事以官尊賢也

官各登餽受爵以上嗣尊祖之道也上嗣祖喪紀以服

之輕重為序不奪人親也紀猶事也公與族燕則以齒而孝

弟之道達矣以至尊不自其族食世降一等親親之殺

也殺差也戰則守於公禰孝愛之深也行主君正室守太

廟尊宗室而君臣之道著矣庶守君所重諸父諸兄守

貴室子弟守下室而讓道達矣以其不貴者守貴賤者守

弟互相五廟之孫祖廟未毀雖及庶人冠娶妻必告死

必赴不忘親也親未絕而列於庶人賤無能也敬弔臨

賻賵睦友之道也古者庶子之官治而邦國有倫邦國

有倫而衆鄉方矣

鄉方言知所鄉

公族之罪雖親不以犯有司

正術也所以體百姓也

犯猶干也術法也百姓本或作異姓非

刑於隱者

不與國人慮兄弟也弗弔弗爲服哭於異姓之廟爲忝

祖遠之也素服居外不聽樂私喪之也骨肉之親無絕

也公族無宮刑不翦其類也

翦割截也遠干方反

左傳襄公十二年吳子壽夢卒臨於周廟禮也

周廟文王

廟也周公出文王故魯立其廟吳始通魯

凡諸侯之喪異姓臨於外

於城外向

其同姓於宗廟

所出王

同宗於祖廟

始封君

同族於

禰廟

父廟也同族謂高祖以下

是故魯爲諸姬臨於周廟爲邢凡

蔣茅胙祭臨於周公之廟

卽祖廟也六國皆周公之支子別封爲國共祖周公

秦商鞅立法宗室非有軍功不得論爲屬籍

漢高祖七年置宗正官以敘九族

文帝四年復諸劉有屬籍家無所與賜諸侯王子邑各

二千戶

孝武元光元年復七國宗室前絕屬者

按孝景三年詔楚元王子執等與吳王濞等爲逆

朕不忍加法除其籍毋令汚宗室是年始詔復之

後元二年正月朝諸侯於甘泉宮賜宗室

孝昭始元二年以宗室無在位者舉茂材劉辟疆劉長

樂皆爲光祿大夫辟疆守長樂衛尉

武帝時劉辟疆以宗室子隨二千石議論冠諸宗室
清寧少欲嘗以書自娛不肯仕昭帝卽位或說大將
軍光曰將軍不見諸呂之事乎處伊周之位攝擅權
而背宗室不與共職是以天下不信卒至滅亡今將
軍當盛位帝春秋富宜納宗室又多與大臣共事反
諸呂道如是可以免患光然之乃擇宗室可用者辟
疆子德待詔丞相府

孝宣地節元年詔曰蓋聞堯親九族以和萬國朕蒙遺
德奉承聖業惟念宗室屬未盡而以罪絕若有賢材改
行勸善其復屬使得自新

孝成建始二年罷博望苑以賜宗室朝請者

劉向上封事言王氏一姓朱輪華轂者二十三人大
將軍秉事用權五侯驕奢排擯宗室孤弱公族其有
智能者尤非毀而不進遠絕宗室之任不令得給事
朝省恐其與己分權事勢不兩大王氏與劉氏且不
並立宜發明詔吐德音接近宗室親而納信黜遠外
戚毋授以政所以褒睦內外之姓子孫無疆之計也

哀帝卽位賜宗室王子有屬者馬各一駟

本紀

平帝元始元年詔宗室屬未盡而以罪絕者復其屬其

爲吏舉廉佐史補四百石

本紀師古曰宗室爲吏者皆
令舉廉各從本秩而以廉吏

遷之為佐史者
例補四百石

四年二月賜宗室有屬籍者爵自五大夫以上各有差
本紀

五年正月祫祭明堂宗室子九百人召助祭禮畢皆益
戶賜爵及金帛增秩補吏各有差詔曰蓋聞帝王以德
撫民其次親親以相及也昔堯睦九族舜厚敘之朕以
皇帝幼年且統國政惟宗室子皆太祖高皇帝子孫及
兄弟吳項楚元之後漢元至今十有餘萬人雖有王侯
之屬莫能相糾或陷入刑罪教訓不至之咎也傳不云
乎君子篤於親則民興於仁其為宗室自太上皇帝以

來族親各以世氏郡國置宗師以糾之致教訓焉二千
石選有德義者以為宗師考察不從教令有寃失職者
宗師得因郵亭書言宗伯請以聞嘗以歲正月賜宗師
帛各十匹

西漢初宗室封王者帝子王已見皇
子門更不錄

楚元王交高帝弟 代王喜高帝兄 荆王賈高帝從
父弟 燕敬王

澤高帝從祖昆弟各王受封傳國
本末見封建考此更不錄後同

西漢宗室王子侯

高帝時封三人 高后時封三人 孝文時封十四

人 孝景時封七人 孝武時封一百七十七人

孝昭時封十二人 孝宣時封六十三人 孝元時封四十八人 孝成時封四十三人 孝哀時封九人 孝平時封二十七人

各侯姓名及受封傳國本末並見封建考此更不錄後同

東漢世祖建武二年十二月戊午詔曰惟宗室列侯爲王莽所廢先靈無所依歸朕愍之其並復故國若侯身已歿屬所上其子孫見名尚書封拜紀

十三年二月丙辰詔曰長沙王興真定王得河間王邵中山王茂皆襲爵爲王不應經義其以興爲臨湘侯得

爲真定侯邵爲樂成侯茂爲單父侯其宗室及絕國封侯者凡一百三十七人丁巳降趙王良爲趙公太原王章爲齊公魯王興爲魯公

漢置宗正卿掌序錄王國嫡庶之次及諸宗親屬遠近郡國歲因計上宗室名籍若有犯法當髡以上先上諸宗正宗正以聞乃報決

胡廣曰又歲一治諸王世譜差序秩

和帝元興元年宗室以罪絕者悉復屬籍以後屢有此詔不悉錄

魏文帝黃初二年制封王之庶子爲卿公嗣王之庶子爲亭侯公之庶子爲亭伯

明帝太和五年詔令諸王及宗室公侯各將適子一人

朝

齊王時宗室曹罔上書曰大魏之興二十四年矣子弟王空虛之地君有不使之民宗室竄於閭閻不聞邦國之政權均匹夫勢齊凡庶內無深根不拔之固外無磐石宗盟之助非所以安社稷為萬世之業也且今之州牧郡守古之方伯諸侯皆跨有千里之士兼軍武之任或比國數人或兄弟並據而宗室子弟曾無一人廁其間與相維制非所以強幹弱枝備萬一之虞也今之用賢超為名都之主或為偏師之帥而宗室有文者必限之小縣之宰有武者必致百人

之上非所以勸進賢能褒異宗室之禮也語曰百足之蟲至死不僵以其扶之者眾也此言雖小可以譬大是以聖王安不忘危存不忘亡故天下有變而無傾危之患矣冀以此論感寤曹爽爽不能用

魏宗室

曹仁

太祖從弟仕至車騎將軍封陳侯

曹洪

太祖從弟仕至驃騎將軍封都陽侯

曹休

太祖族子仕至大司馬揚州都督封長平侯

曹真

太祖族子仕至大司馬封東鄉侯

晉武帝懲魏氏孤立之敝故大封宗室授以職任又詔諸王皆得自選國中長吏衛將軍齊王攸獨不敢皆令上請又詔除魏宗室禁錮

晉置宗正統皇族宗人譜牒

晉宗室王侯

安平獻王孚

宣帝弟

彭城穆王權

宣帝弟

高密文獻王泰

宣帝弟

范陽城王綏

宣帝弟

濟南惠王遂

宣帝弟

譙遜王剛

宣帝弟

任城景王陵

宣帝弟

平原王幹

宣帝弟

汝南文成王

亮

宣帝子

琅琊武王佃

宣帝子

清惠亭侯京

宣帝子

扶風武

王駿

宣帝子

梁王彤

宣帝子

趙王倫

宣帝子

齊獻王攸

文帝子

城陽哀王兆

文帝子

遼東悼惠王定國

文帝子

廣漢殤王

廣德

文帝子

樂安平王鑒

文帝子

燕王機

文帝子

宋宗室諸王侯

長沙景王道憐

武帝中弟

臨川烈武王道規

武帝季弟

營浦侯

遵考

武帝族弟始武帝輔政時諸子並弱宗室唯有遵考云

孝武制帝室甚親官非祿官者月給錢十萬

齊宗室諸王侯

衡陽元王道度

高帝長兄

始安道王生

高帝次兄

南豐伯赤斧

高帝祖弟

臨汝侯坦之

高帝服族子

梁宗室王侯

吳平侯景

武帝父弟

長沙宣武王懿

武帝兄

永陽昭王敷

武帝兄

衡陽宣王暢

武帝弟

桂陽簡王融

武帝弟

臨川靜惠

王弘

武帝弟

南平元襄王偉

武帝弟

安成康王秀

武帝弟

始

興忠武王憺武帝弟 鄱陽忠烈王恢武帝弟

梁置宗正卿位視列曹尚書主皇室外戚之籍以宗室為之

陳宗室王侯

永修侯擬武帝踈屬 遂興侯詳 宜黃侯慧紀武帝從孫 南康

愍王曇朗武帝母弟

後魏宗室王侯

上左公紇羅神元帝曾孫 武陵侯因 長樂王壽樂並章帝後

望都侯頽昭帝後 六修穆帝長子 曲陽侯素延 順陽公郁

宜都王日辰並桓帝後 吉陽男比干 江夏公呂道武帝族

弟 高涼王孤平文帝第四子 西河公敦平文帝曾孫 司徒平文帝元孫

武衛將軍謂烈帝第四子 河間公齊烈帝元孫 扶風公處真烈帝

後 文安公泥魏踈族 實君昭武帝子 秦王翰昭武帝子 闕婆 壽

鳩 紇根 地干 力真 窟咄並昭成帝子

明帝時京兆王遙大功昆弟皆是景穆之孫至明帝而本服絕故除遙等屬籍遙表曰竊聞聖人所以南面而聽天下其不可得變革者則親也尊也四世而總服窮五世而袒免六世而親屬竭矣去茲以往猶繫之以姓而弗別綴之以食而弗殊又律曰議親者非唯當世之屬親歷謂先帝之五世謹尋斯旨將以廣帝宗重磐石

先皇所以變茲事條爲此別制者太和之季方有意於五屬經始之費慮深在初割滅之起暫出當時也且臨淮王提分屬籍之始高祖賜帛三千疋所以重分離樂良王長命亦賜縑二千疋所以存慈眷此皆先朝殷勤克念不得已而然者也古人有言百足之蟲至死不僵者以其輔已者衆臣誠不欲妄親太階苟求潤屋但傷大宗一分則天子屬籍不過千數人而已在漢親王之子不限多少皆列土而封謂之曰侯至於魏晉莫不廣胙河山稱之曰公者蓋惡其大宗之不固骨肉之恩疎也臣去皇上雖是五世之遠於先帝便是天子之孫高

祖所以國秩祿賦復給衣食后族唯給其賦不與衣食者欲以別內外限異同也今諸廟之感在心未忘行道之悲倏然已及其諸封者身忘之日三年服終然後改奪今朝廷猶在遏密之中便議此事實用未安詔付尚書博議以聞尚書令任城王澄尚書左僕射元暉奏同遙表靈太后不從

先是皇族有譴皆不持訊時有宗士元顯當犯罪宗正約以舊制尚書李平奏以宗室磐石周布天下其屬籍疎遠蔭官卑末無良犯憲理須根究請立限斷以爲定式詔曰雲漢綿遠蕃衍代滋植籍宗氏而爲

不善者良亦多矣先朝既無不訊之格而空相矯恃以長爲暴諸在議請之外者可悉依常法

北齊宗室王侯

趙郡王琛神武帝弟清河王岳神武帝從父弟廣平公盛神武帝從叔祖

揚州公永樂神武帝從兄子上洛王思宗神武帝從子平秦王歸彥神武帝族弟

武興王普神武帝族弟長樂太守靈山神武帝諸子歸彥神武帝族弟長樂太守靈山神武帝諸子

齊置大宗正寺掌宗室屬籍統皇子王國諸長公主家

周宗室無封爵貴顯者周文帝諸子已見皇子門更不重敘

隋宗室諸王

蔡景王整文帝次弟滕穆王瓚文帝弟道宣王嵩文帝弟衛昭

王爽文帝弟河間王弘文帝從弟義城公處綱文帝族父離石太

守子崇武元帝族弟

唐宗室四十一房

一曰定州刺史名乞豆仕後魏太祖景皇帝虎之次弟二曰南陽公景

子名延伯三曰譙王景帝子名真四曰葵王景帝子名岡五日畢王

景帝子名璋六曰雍王景帝子名珪七日郇王景帝子名禕八曰大

鄭王景帝子名亮九曰蜀王代祖元皇帝昉之子名湛十曰巢王高祖子

吉十一曰大楚王高祖子智雲十二曰荆王高祖子元景十三

乾隆十二年校刊

帝系十

十五

曰徐王高祖子 十四曰韓王高祖子 十五曰彭王高祖子

子元 則 十六曰小鄭王高祖子 十七曰霍王高祖子 十八曰

八曰虢王高祖子 十九曰道王高祖子 二十曰鄧王高祖子

子元 裕 二十一曰舒王高祖子 二十二曰魯王高祖子

二十三曰江王高祖子 二十四曰密王高祖子 二十五

五曰滕王高祖子 二十六曰恒山王太宗子 二十七

曰吳王太宗子 二十八曰濮王太宗子 二十九曰蔣王太宗子

子 三十曰越王太宗子 三十一曰紀王太宗子 三十二曰

曹王太宗子 三十三曰澤王高宗子 三十四曰章懷太

子 三十五曰湖陽郡王睿宗子 三十九惠宣太子

蜀王房睿宗子 又有隴西渤海二房附見其譜定著三

十九房自元宗以後諸王不出閭不分房子孫闕而

不見

太宗貞觀元年初上皇欲彊宗室以鎮天下故皇再從

三從弟及兄弟之子雖童孺皆為王王者數十人上從

容問羣臣徧封宗子於天下利乎封德彝對曰前世唯

皇子及兄弟乃為王自餘非有大功無為王者上皇敦

睦九族大封宗室自兩漢以來未有如今日之多者爵

命既崇多給力役恐非示天下以至公也上曰然朕為

天子所以養百姓也豈可勞百姓以養已之宗族乎乃

詔降宗室郡王皆爲縣公惟有功者數人不降
元宗先天之後皇子幼則居內東封後以年漸長成乃
於安國寺東附苑城同爲大宅分院居之名爲十王宅
令中官押之於夾城中起居每日家令進膳又引詞學
工書之人入教謂之侍讀十王謂慶忠棣鄂榮光儀穎
永濟蓋舉全數其後盛壽儀陳豐恒涼六王又就封入
內宅開元二十五年鄂光得罪忠王繼大統天寶中慶
棣又歿唯榮儀十四王居內而府幕列於外坊歲時通
名起居而已外諸孫長成又於十宅外置百孫院每歲
幸華清宮側亦有十王宅百孫院十王宮人每院四百

餘人百孫院三四十人又於宮中置維城庫諸王月俸
物納之以給用諸孫納妃嫁女亦就十院中太子不居
於東宮但居於乘輿所幸之別院太子之子亦分院而
居婚嫁則同親王公主於崇仁里之禮院

唐宗正寺掌天子族親屬籍親有五等先定於司封一
曰皇帝周親皇后父母視三品二曰皇帝大功親小功
尊屬太皇太后皇后皇后周親視四品三曰皇帝小
功親總麻尊屬太皇太后皇后皇后大功親視五品
四曰皇帝總麻親袒免尊屬太皇太后皇后皇后小
功親五曰皇帝袒免親太皇太后皇后小功卑屬皇太后皇

后總麻親視六品皇帝親之夫婦男女降本親二等餘
親降三等尊屬進一等降而過五等者不為親諸王大
長公主長公主親本品嗣王郡王非三等親者亦視五
品選舉制凡館有二門下省有弘文館生三十六人東
宮有崇文館生二十人以皇總麻以上親皇太后皇后
大功以上親宰相貴官之子為之

唐宗室王侯

南陽公延伯太祖長子 譙王真太祖次子 畢王璋太祖子 江夏王
道宗璋之孫 雍王繪太祖子 淮陽壯王道元繪之孫 郇王禕
太祖子 長平肅王叔良禕子 新興郡王德良禕子 長樂郡王

幼良禕子 蔡烈王蔚太祖子 西平懷王安蔚子 襄武郡王琛
安子 河間元王孝恭安子 濟北郡王瑊安子 漢陽郡王懷安
濟南郡王哲蔚子 盧江郡王琰哲子 鄭孝王亮太祖子 淮安
靖王神通亮子 膠東郡王道彥 高密王孝譽 淄川
王孝同 廣平王孝慈 河間王孝友 清河王孝
節 膠西王孝義並神通子 梁王澄世祖子 蜀王湛世祖子 隴
西恭王博父湛子 渤海敬王奉慈湛子

唐宗室宰相凡十一人

林甫 回係郇王房 石 程 福係鄭王房 勉 夷簡 宗閔
係小鄭 適之係恒山王房 峴係吳王房 知柔係宣惠太子房

王氏揮塵錄曰唐書特立宗室傳贊乃云宰相以宗室進者九人林甫姦諛幾亡天下程知柔在位無所發明林甫在姦臣傳知柔相昭宗附宣惠太子業傳後第五卷止敘七人適之峴勉程夷簡石回然李麟乃懿祖後李逢吉李蔚俱隴西同係李宗閔出鄭王房李揆亦出隴西宰相共一十三人也不同作一傳何邪

宋宗室王

邕王光濟

宣祖長子太祖兄早卒追封

夔王光贊

宣祖幼子太祖弟早卒追封

秦王廷美

宣祖第三子太祖及廷美諸

廷美十子太宗篤親不欲子異其稱謂故屬籍皆曰

皇子皇女及廷美得罪乃正名稱皇姪皇姪女

仁宗景祐中下詔度玉清昭應宮舊地建宮合宗室十位聚居賜名曰瞻親院於祖宗後選一人爲宗正以司訓導糾違失凡宗族之政令皆令掌之奏事毋得專達先詳視可否以聞

初諸王邸散居京師過從有禁非朝謁從祠不得時會見仁宗立瞻親院以壽春郡王允讓知大宗正事總領輯睦甚有恩意務以身先之教養子孫崇向藝學不率則正其罪故更相責厲莫不勸服故事內朝謁宗婦不預因曰託姻皇屬而不得一望禁闈非所

以顯榮之也奏通其籍又宗婦少喪夫雖無子不許更嫁曰此非人情乃爲請使有歸

神宗熙寧二年中書樞密院言祖宗受命百年皇族日以蕃衍而親踈之施未有等殺甄序其材未能如古獻議之臣謂宜有所釐正請參酌先王典制時事之宜條具聞奏詔同議以聞臣等今謀定方今可行之制宣祖太祖太宗之子皆擇其後一人爲宗世世封公補環衛官以奉祭祀不以服屬盡故殺其恩禮祖宗袒免親將軍以下願出官者聽仍先經大宗正司陳請大宗正擇本官宗長與大學教授使學才行堪任使者然後審察

以聞就武官者試讀律習書就文官者說試一中經或論一首將軍換諸司副使太常丞正率換內殿崇班太子中允並與州郡監當一次任滿與親民副率換西頭供養官大理評事與監當一次任滿有州郡監司保舉者與親民否則卽依外官祖宗袒免親未賜名授官者除右班殿直年十五與請給年二十許出官願換文官者與試銜知縣並令監當考試及任滿有無保任如前法出官日並特與優賜願鑲廳應舉者依外官其非袒免親不賜名授官許應舉進士者只試策論明經者習一大經試大義及策初試不成文理者退黜餘令覆

試取合格者以五分爲限人數雖多不得過五十人累
經覆試不中年長者當特推恩量材錄用已出官者給
俸依在京分數許依審官三班銓法指擬注授不以遠
近爲限授文官者轉官者轉官與進士出身同鑠廳應
進士明經舉有出身人至員外郎與轉左曹宗室不出
官者祖宗元孫轉官至正任觀察使止袒免親至遙郡
刺史止祖宗袒免親見任官合奏薦子孫者許依外官
祖宗袒免親以下見有官不願出官父祖俱亡者許在
京居止隨處置產其出官者置田宅如外官法祖宗袒
免女嫁賜錢減半婿與三班奉職非袒免女量加給賜

更不與婿官有官者與免入遠許依審官三班流內銓
法指擬注授班行免指使其袒免親娶婦量加給賜其
非袒免親嫁娶依庶姓仍不得與非士族家爲婚姻祖
宗袒免親以外兩世貧無官者量賜田孤幼無依及尤
貧失所者不拘世數隨所在官司具名聞奏當職特加
存恤奏上詔曰自我祖宗惇叙邦族大則疏封於爵土
次則通籍於閣臺並留京師參奉朝請然而世緒寢遠
皇枝益蕃屬有親疎則恩有隆殺才有賢否則祿有重
輕今而一貫於周行是亦奚分於流別雖敦睦之道誠
廣而德施之義未周故廷臣數言宰司繼請謂宜定正

限以等夷朕惟親戚之間經史有訓漢唐之世故事具存或以九族辨尊卑或以五宗紀遠近或聽推恩而分子弟或許自試而効才能或宗子之賢得從科舉或諸王之女自主婚姻盡前世之所行顧當今之未備况我朝制作動法先王豈宗室等殺乃無定著因俾羣公之合議將立一代之通規載覽奏封具陳條目以謂祖宗昭穆是宜世世之封王公子孫抑有親親之教若乃服屬之既竭泊於才藝之並優在隨器以甄揚使當官而勉懋至於任子之令通婚之儀凡曰有司之常一用外官之法僉言既允朕意何疑告於將來用頒明命宜依

中書樞密院所奏施行

宗正寺言每歲寫仙源積慶圖宗藩慶緒錄送龍圖天章寶文閣今宗室非袒免親既不賜名授官一依外官之法請定所修圖冊詔下禮院詳定禮官言六世親屬既竭繫之以姓而弗別則禮有其義皇宗祖廟雖毀子孫皆於宗寺附籍則今有其文况朝廷釐改皇族授官之制而袒免外親統宗襲爵進預科選遷官給俸恩禮優異悉不與外官匹庶同法屬雖踈而恩數不絕若圖籍湮落則無審其所從證其宗正寺所修圖錄並請仍舊從之

元豐官制行詔大宗正司不隸六曹大宗正以宗室團練以上有德望者爲之次一人爲同知位高屬尊者爲制掌糾合族屬而訓之以德行道藝受其詞訟而糾正其愆違有罪則先劾以聞法例不能決者同上殿取裁凡宗室服屬遠近之數及其賞罰規式皆總之屬有記室一人掌牋奏講書教授十有二人講授兼領小學之事渡江後頗用南班多不得其人無以表率更生刻削宗室皆患之置宗學及學官本末見職官門

哲宗紹聖元年禮部言諸宗室係袒免以外兩世祖父俱亡而無官雖有官而未釐務貧不能給者委大宗正司及所在官司奏給錢米從之

徽宗崇寧元年詔曰神宗嘗詔宗室年長者推恩又嘗詔袒免外兩世貧無官者賜田又嘗詔外任者許居於兩京今宜遵先志宰臣蔡京等言宗室舊來在宮有出入之限有不許外交之禁宮門有譏察之令今踈屬外居僅遍都下積日滋久殆不能容若不居之兩京散之近郡立關譏察之令或一有非意犯法則勢有不可已者今請非袒免親以下兩世除北京外欲分於西京南京近輔或沿流便郡居止各隨州郡大小創置居宇仍先自兩京爲始每處置敦宗院命文武官各一員管幹

參酌在京宮院法禁不可行者頒下從之

大觀二年正月詔自我英宗起於濮邸入繼大統濮王之後於屬雖親於服已遠如不字之子論正服則猶是總麻視正統則已非袒免無賜名授官之制無祿廩賜予之法比聞貧乏匱困或不能自存朕富有天下而五服內親僅同民庶非強本之道欲盡親親之禮而承統之重義所不敢夙夜以思當使恩義兩得然後爲稱應濮王孫士字可依仲字不字及不字之子並依士字恩數條例宗女隨其字行等第施行庶不失承統之義而曲盡人倫之親

八月詔保州皇族子孫於屬雖遠然未有仁而遺其親者比聞皇族之孫未官者餘三十人或貧乏不能自存已令置敦宗院其六房內各擇最長年二十已上者與三班奉職二人一房及六人已上加一人並與添差監當

宣和五年詔今後內外宗室並不稱姓七年後詔依熙寧法並著姓

先是宗正少卿趙子崧賜對帝問宗子何以著姓子崧以熙寧之法爲對遂詔宗室並不著姓其後有司不復考故事官職無高下皆名別之至是子崧復爲

帝言故寢前詔

宋朝宗室侍從自宣和至嘉泰凡十九人太祖下令鑠

寶文閣待制 令諷 戶部侍郎 子崧 端明殿學士 子晝子直子櫟 並寶文閣學士

子瀟子厚 戶部侍郎 伯圭 端明殿學士 師訓 工部侍郎 師夔 敷文閣待制

師宰 戶部侍郎 太宗下不弃不流善堅 並工部侍郎 不迹 華文閣待制

魏王下彥中 中書舍人 彥操 煥章閣待制 彥逾 工部侍郎 宗室為狀元

者乾道初汝愚中詞科者淳熙初彥中中童子舉者慶

元中崇禎三年六月巳卯崇禎以能誦六經免文解

宗正寺仙源類譜太祖下德字行四人惟字行八人從

字守字行二十四人世字行一百二十九人令字行五

百六十四人子字行一千二百二十一人伯字行一千

六百四十五人 孝宗同此 師字行一千四百九十人希字

行一千一百四十人與字行一百十人凡六千三百六

十五人孟字行由字行未見數太宗下元字行九人允

字行十九人宗字行七十五人 英宗同此 仲字行三百八

十八人士字行一千四百九十九人不字行二千一百

三十人善字行二千四百三十一人汝字行一千二十

二人崇字行四百一十三人必字行一十九人凡八千

五人良字行友字行未見數魏悼王下德字行十人承

字行三十二人克字行一百二十七人叔字行五百六

十一人之字行一千四百二十五人公字行一千七百七十四人彥字行一千八百二十四人夫字行一千六百六十六人時字行二百五十三人若字行二十四人嗣字行未見數其見數者凡七千二百九十六人以淳熙八年計之三祖下合二萬一千六百六十有六人英宗子吳王益下孝字行十三人安字多字居字行皆爲南班官未見數淳熙初詔多字行之子連自字紹熙初詔自字行之子連甫字徽宗子棣華宅諸王下連卿字卿字下連茂字茂字下連中字中字下連孫字然棣華子孫自靖康以來皆隔異域但遙爲排連而已 保州

宗室者翼祖皇帝後也建炎初隔絕紹興九年渡江者數十人有官四人而已上念之詔注官如兩京例今廣字繼字夫字行者是也 故事宗女適人皆內侍與有

司主之熙寧後以昭穆益踈乃給奩具祖宗元孫女五百千五世三百五十千六世三百千七世二百五十千八世百五十千紹興七年冬詔元孫減五之二六世八世減三之一五世七世減七之二已適而再行者各減半然有司不時給宗女貧不能行多自稱不願出適者三十二年惠靖襄王子子遊知南外宗正事請於朝下泉州以經總制司錢支給云 建炎末上以天屬避地

者少詔南班宗婦無子孫食祿者廩給有差凡祖宗總
 麻親歲給錢九十六千米三十六斛帛二十八疋袒免
 親錢米減三之一綿帛並減半四年六月已卯故事宗室近臣
 吉凶皆有賜予紹興初以軍興財匱罷之六年正月已巳十一
 年秋皇叔祖右監門衛大將軍仲岳卒於臨安至無以
 斂判大宗正事齊安郡王士儂言於朝紹總麻親任環
 列以上亡者賜錢三百千袒免減三之一九月甲辰今以為
 例焉 本朝宗室皆聚於京師熙寧間始許居於外蔡
 京為政即河南應天置西南二敦宗院設宗官主之靖
 康之禍在京宗室無得免者而睢維二都得全建炎初

上將南幸先徙諸宗室於江淮於是大宗正司移江寧
 南外移鎮江西外移揚州元年八月戊午明年春又移西外於
 泰州及高郵軍正月甲午二年冬又移於福州而南外移泉
 州以避狄十二月甲子紹興元年秋嗣濮王仲湜請合西南
 外宗正為一司以省財用有司以泉州乏財不許九月壬子
 是時兩外宗子女婦合五百餘人歲費緡錢九萬南外
 四十九人歲費錢六萬緡西外一三百
 百七十六人歲費錢約三萬緡 紹興府宗正司者
 紹興三年以行在未有居第權分宗子居之三十年春
 恩平郡王出居會稽遂以為判大宗正事三月丙子乾道七
 年虞丞相秉政言蜀中闕大宗正司上欲移紹興府宗
 宗正司

乾隆十二年校刊

帝系十

正司於成都五月戊寅既而不行但省會稽一司而已今蜀中宗子甚衆既無親賢領之但每州以行尊者一員檢察錢米請受由是往往蹈於非彝而不可訓焉 東都故事宗子皆築大舍聚居之太祖太宗九王後曰睦親秦王後曰廣親英宗二王曰親賢神宗五王曰棣華徽宗諸王曰蕃衍渡江後宗子始散居郡邑惟親賢子孫爲近屬則聚居之孝宗子四人邵悼肅王無後莊文太子魏惠憲王早薨莊文之妃惠憲之夫人皆別居賜第初莊文既大祥議者欲皇孫出居於外或以爲不可又踰年竟以知樞密院府爲外第焉紹熙初寧宗封嘉王

將以所藉富民裴氏之居爲府第而議者以爲非宜乃改築蓋自紹興以來天屬鮮少故不復賜宅名云

容齋洪氏隨筆曰吏部員多闕少今爲益甚而選人當注職官簿尉輒爲宗室所奪蓋以盡壓已到部人之故案宣和七年八月臣僚論祖宗時宗室無參選法至崇寧初大啓僥倖遂使任意出官又優爲之法參選一日卽在闔選名次之上以天支之貴其間不爲無人而膏粱之習貪淫縱恣出爲民害者不少議者頗欲懲革罷百十人之私恩爲億萬人之公利誠爲至當若以親愛未忍姑乞與

在部人通理名次從之靖康元年八月又奏云祖宗時未有宗室參部之法神宗時始選擇差注一二崇寧初立法太優宗室參選之日在本部名次之上既歷年月深遠勞效顯著之人復占名州大縣優便豐厚之處議者頗欲懲革不注郡守縣令在部人通理名次有旨從之此二段未嘗衝改不知何時復紊也

又曰本朝宗室袒免親女出嫁如壻係白身人得文解者爲將仕郎否則承節承信郎妻雖死夫爲官如故案唐正元中故懷澤縣主壻檢校贊善大

夫竇克紹狀言臣頃以國親超受寵祿及縣主薨逝臣官遂停陪位出身未授檢校官自有本官伏乞宣付所司許取前銜婺州司戶參軍隨例調集詔許付集仍委所司比類前任正員官依資注擬自今以後郡縣主壻除了憂外有曾任正員官停檢校官俸料後者準此處分乃知壻官不停者恩過唐世多矣紹興中高士轟尚僞福國長公主至觀察使及公主事發誅死猶得故官可謂優渥又曰壽皇聖帝登極赦恩凡宗子不以服屬遠近人數多少其曾獲文解兩次者並直赴殿試略通

文墨者所在州量試則補承信郎由是入仕過者
千人已上淳熙十六年二月紹熙五年七月二赦
皆然故皇族得官不可以數計偶閱唐昭宗實錄
載一事云宗正少卿李克助奏准去年十一月赦
書皇三等以上親無官者每父下放一人出身皇
五等以上親未有出身陪位者與出身寺司啓請
承前舊例九廟子孫陪位者每父下放一人出身
共放三百八十人其諸房宗室等各赴陪位納到
文狀共一千二十七人除元不赴陪位及不納到
狀及違寺司條流不取宗室克係落下外係三百
八十人合放出身勅准赦書處分子案昭宗以文
德元年卽位次年十一月南郊禮畢肆赦其文略
云皇三等以上親委中書門下各擇有才行者量
與改官無官者每父下放一人出身皇五等以上
親未有出身陪位者與出身然則亦有三等親陪
位與不陪位之差別也

文獻通考卷第二百五十九



